

پیش لہز  
(Foreword)

منیر مومن

## نچین

1. زرنوشت 04
2. آپ رنگ 09
3. آپِ سرا گُواتِ نبشتہ 15
4. بیل ءِ آلاڈ 17
5. بیوانکی دمکاں گُوارِے کنانِ انت 19
6. بُرمش 22
7. چوتار 24
8. عشق، ارواہِ کفن 26
9. دُروہاپ 30
10. سنجاپیں رولہ 33
11. ہمے عشق لکھیں 35
12. عشقِ حدیث 41
13. پُلے گُواتِ اندیمِ انت 44
14. ماہ پھمیانِ انت 48
15. ماہکانِ رندپداں 51
16. محرمیں راز 54
17. منی چندے دستونک ءِ لچہ 56
18. بالواں روک گُتہ تماشہ یے 59
19. سوتکال 63
20. دو ترمپ دریا 66
21. ہمراہاں وتی ہوشامِے 67
22. تران ءِ لیکہ 70
23. کسّہ رمیزاں گپتگِ انت 71

- 
72. سفر بے رنگیں آچارے  
 73. آپؑ نمبگ ہونؑ بو  
 74. رُژن آپ ابلہ  
 75. بینگ متکگ انت دُکالؑ  
 76. استال روچؑ دژمن انت  
 77. باہند  
 78. چولے دمکاں پوشان انت  
 80. پیرزالؑ را چے سما انت  
 81. راشد شکستؑ شاعری  
 82. ساہگ دزگیراں  
 83. تھنائیؑ آبادیں زِر  
 84. فرض ؑ حاجت  
 85. گروکی شہم  
 86. منی ساہگ آدینکے  
 87. شهنواز طاہرؑ شاعری

## زرنوشت

یک رندے یک کسمانک نویسے برنارڈشاہ را ماں تھیڑے  
 وتی کسمانکے چارگے آئیے سرا ایراد گریے دعوت دات۔ برنارڈشاہ  
 کسمانکے چارگے شت بلے چہ بنداتے بگر داں آسرے تھیڑے تھا واب  
 کپت۔ وھدے کہ کسمانک هلاس بوت تہ ہمے کسمانک نویسے پہ  
 گلگ گشت کہ ”واجہ من ترا کسمانکے چارگے آئیے سرا ایراد گریے  
 ہاترا گشتگ ات بلے تو و سرجمیں وھدے واب بوتگ ئے“ تہ  
 برنارڈشاہ درائینت کہ ”واب وت اوں ایرادے اگاں تو بہ زان ئے“  
 انوں کہ قاضیے زرنوشت منے داتے گشت کہ ایشیے سرا  
 چیزے نویس تہ من ہر چُند کہ کوشست گت بلے وتا واب گیتک  
 نہ گتے گوں قاضیے منتے پہ زرنوشتے نقشیں دامنے چیزے  
 کشکانی رندگے لاچار بوتگ آن گوں اے جزمے کہ ایشانی اھمیت پہ  
 زرنوشتے ہچ اوں نہ انت۔

زرنوشت قاضیے شیئرانی اولی دپتر انتے یقینا اے بلوچی  
 لبزانکے تہاگراں بھائیں مڈی یے۔ پرچاکہ اے رنگیں لبزانک کہ  
 آئیے دروشم زرنوشتے تاکانی تہا گندگ بیت۔ بلوچی لبزانک نہ  
 بلکیں دنیاے ہر لبزانکے دز بہ کپ ایت آپہ ایشیے پھر بند ایت۔  
 اے سائنسی و مادی دیمرؤئیے دئورے کہ مرچی ئیں ”  
 “Communication جسمانی رشتہ و سیالیاں انچو نزارتگ۔  
 زرنوشتے لبزانک تیوگیں دنیاے پگرے یک دوئیے رسینگے کارے کنتے  
 بنی آدم و فطرتے ہما نزوکیے برجاہ دار ایت کہ چرائیے ابید زندمان  
 مشینی کردے و جوڑ بوت کنت۔ بلے زندمان بوگے راستیں و  
 حقیقی بزانتے گوں ہمدپ نہ بیت۔ و منی ہیالے شائریے مسترین  
 کار ہمیش انت کہ زندمانے زندمان دارگے جھدے بکنت۔

قاضیے نوکیں شائریے وتی پگرے حوالہ اوں وتی شائریے  
 اُمبرے حوالہ اوں۔ منے یات انت کہ قاضیے انوں شائری بنا گتگ و

زرنوشتِ شائری قاضیٰ بنداتی شائری انت کہ شائر اے دثورۂ شیئر  
 پہ مشقِ سخنِ ہاترا پر بندایت۔ بلئے قاضیٰ گون مسئلہ دگہ پیم  
 انت۔ قاضیٰ چہ بنداتِ وتی شائری ربند گیشینگ انت ء یک  
 نوکیں ء جوانیں رنگے شیئر پر بستگ۔ پرچا کہ قاضیٰ شائری مرچی  
 بانداتِ سنگمِ سرا اوشتاتگ۔ قاضیٰ زیگیں گپاں تھنا ہما بنیادۂ  
 کنت کہ آ باندا اوں راست بوت کن انت، قاضیٰ آنگریزی اے مقولہ  
 “The future of future is in the present” ء راست لیک ایت ء ہر  
 دانائیں مردم وتی بانداتِ چہ مرچیٰ بُنگیج کنت۔ پرچا کہ آ دگہ  
 وھدے بوتگ کہ شائری دیوانگی پیغام داتگ۔ مرچی شائری  
 منصب بدل بوتگ۔ مرچیگیں دثورۂ شائر اگاں دیوانگی اوں کنت تہ  
 آئی تہا دانائی رازۂ گندایت۔ مرچیگیں شائری کار ہمیش انت کہ  
 آ تہاریں شپاں روچۂ نامۂ بہ گپت ء قہرین نیمروچاں ساہیلی ترانگے  
 بہ ساچ ایت۔ مرچیگیں دثورۂ مردم شائری پمشکا وان ایت یا گوشدار  
 ایت کہ آئی پناہۂ زُرت بکنت۔ ء چہ امبروزۂ زمبلان پہ سہتے  
 شمشکار بہ بیت۔ ء سارتیں گینے گش ات بہ کنت۔ پہ وشین  
 بانداتے وابے دیست بہ کنت ء وابۂ حقیقت کنگۂ جہدۂ بہ کنت ء  
 قاضیٰ شیئراں اے دنیا داں ہما وھدۂ وتی پلوۂ بندایت دانکہ اے  
 دنیاۂ ساچانے شوہاز انت، دانکہ زامریں بیکانی مسکیں ساہیلۂ  
 عنبریں ترانگے حاکمی ہست انت۔ ء قاضیٰ داں ہما وھدۂ شیئر پر  
 بندایت دانکہ ” پاکدامنیں ہیال “ ” گنہگاریں نوبت “ ء ” بدآپ  
 بوئیں منزل “ ء پہ مسک ء مہلباں زر انت۔ قاضیٰ داں ہما وھدۂ  
 شیئر پر بندایت دانکہ بزگیں مہلوک زوراکانی ہاترا چو ” راہ واریں “  
 اولاکۂ گام جنان انت۔ پرچا کہ مرچیگیں دثورۂ شائری ہمے لوٹ  
 ٹہینتگ۔ ء چریشیٰ اوں ا نکت کمیں کہ ما چماں چست کن این  
 تہ گندیں کہ اے وھدۂ چہ شائرۂ یک شریں ہکیمے بوگۂ واہگ  
 اوں داشتگ ء اے دثور چہ شریں شائرے اے لوٹۂ اوں کنت کہ آ  
 چو شریں ہکیمے وتی چاگردۂ نادراہیاں بہ پیم ایت، پدراش بہ  
 کنت ء علاجۂ اش بہ گوش ایت ء وھدے قاضیٰ گوش ایت کہ:

چاگردۂ پیرزو انت ہمے رنگیں جاورے  
 کہ زندماں چو کینسرۂ نادراہ یے زَر ایت  
 تہ ادا قاضی آولی کارۂ کنت بزاں کہ چاگردۂ نادراہیۂ گند  
 ایت ء آئیۂ شونۂ دنت۔ ء وھدے آگوش ایت کہ:  
 مرچی پہ ھل ء واھگ زردۂ غماں گون دوچاں  
 نوکیں گومے دیاں ، عہدانی ماہ ء روچاں  
 تہ ادا آ دوئی کارۂ گون دلگوش بیت ء بلکیں وتی منصبۂ  
 انگت اوں کمیں دیمترۂ وڈین ایت ۔ تھنا علاجۂ شونۂ نہ دنت بلکیں  
 علاج کنتگۂ قولۂ اوں کنت۔

شائرۂ زمہ واریانی تہاپیک زمہ واری یے اے اوں گوشگ بیت  
 کہ آ ھست ء نیستۂ باروۂ چیزے بہ مار ایت پگر بہ کنت ء وتی  
 جندۂ شوہازۂ کترھانی تہاچیزے حاصل بہ کنت تہ آ یک شرین  
 ازمکارۂ گوشگ بیت۔ ء جوانیں ازمے ودی کُت کنت۔ ء زرنوشتۂ  
 وانگۂ چہ رند انچو معلوم بیت کہ قاضی ء یک مستریں مشکولی  
 یے آئیۂ وتی جندۂ گار کنتگ ء شوہازگ انت۔ وتی یک نظمے ”  
 ایوکی ء تہاگوش ایت کہ:

وتی جندۂ شوہازۂ درکپتاں  
 دیست نوکیں پدے ، پدانی تہۂ  
 پھک بیگواہ انت پھک سہرا انت  
 ء برے برے قاضی ہمے بیگواہی ء سہرائیۂ دنزانی تہانند  
 ایت ء شوہازۂ سیل کنت کہ شوہاز وتارا وت چوں شوہاز ایت تہ آ  
 گوش ایت کہ:

درکپتگ شوہاز ، شوہازۂ وتی  
 سرچادرۂ!

ہم چو گنوکۂ بُرنگیں  
 وت گون وتی بے ساری ء  
 گوازی کناں!!

ھر سنگ ء دُرچک ء دار ء گُوھنیں تُرانگۂ

راضی کناں!!

یاتاں گوں دربازی کناں!

ترّاں ءُ گرداں سرجناں

شوہاز ، شوہازے وتی

سربوت روچے پمّنء

من کترہ یے بچکند ات ءُ چارات شوہازے نیمگء

من انچو مار ات کہ شوہازے جند بیگواہ انت

قاضی ادا اوں وتی منصبء کمیں دیمء بارت پرچا کہ کہ آ  
تھنا وتی جندء گار کنگ ءُ شوہازگء لیٹبء لیٹب نہ کنت بلکیں  
برے برے شوہاز چرائیء وتی جُستء کنت ءُ آ مردم کہ پہ وتی  
شوہازے داں اے ہدء ایماندار بہ بیت آئیء را دھرء بے حاجتیء مُج  
بیگواہ کُت نہ کنت ءُ آ ازمکار کہ وتی اِزمء انچو وتی فرماں بردار  
جوڑ بہ کنت تہ اِزم آئیء شمشت نہ کنت ءُ ہمے یک مزنین  
ازمکارےء نشانی انت یورپء نگدکار گوش انت کہ شائریء مستریں  
جوانی ہما اوست انت کہ آئیء وانوکانء آئیء سرا بیگ لوٹ ایت -  
بزاں کہ شائر اگاں ہرچی اوں بہ گوش ایت بلئے ہمے اوستء چادر  
چہ وانوکانی سرا دور مئیت۔ ءُ قاضی ءُ شائریء تہا ہمے اوستء  
ساچان چہ بنداتء بگر داں آسرء ساہیل انت - قاضی ادا اوں ترا  
گوں وتا ہمزیل کنت کہ:

ما کہ یک رندے چہ دنیا ءُ شت این

مارا بیار ایت اے زمانگ چہ گُجا

ءُ اے گپء گوشگء سہتاں اوں تھنا نہ بیت کہ:

من و مرگء چہ پد اوں نمیران باں

من نزاں منء تو چے پیمء گُش ئے

ءُ منا یقین انت کہ قاضی ءُ وانوک ءُ گوشداروک اے دھرء

تُرندیں نیمروچاں ہمے اوستء سبزیں ہیالء بزیں ساہگء نندانت

ءُ قاضی ءُ وان انت ءُ گوشدار انت ءُ آئیء دیمتری پرندانی ودارء کن

انت۔ پرچا کہ قاضیء بُنگیجی شائری زرنوشتء صورتء شَمے

دستِ انت شُما وان اتِ اِش اوں۔ نوں بیا کہ ما وتی اے گپاں گوں  
 قاضیٰ یک نوک ترین شیئرے آسر بہ کن این پرچاکہ قاضیٰ ے  
 ہیلانی کوہ سراں اسپیتیں برفِ موسمِ ندارہ باز وش انت:  
 برفِ چادرِ مانپوش  
 برہنگ انت ہیلانی نرم ے نازکیں بالاد  
 درمگوریں زبیرانی ڈیلِ ملگی موسم زگریں آس پر دار ایت  
 روکیں جامگاں چار ایت!!  
 گار بیت سرانی ہوش  
 برفِ چادرِ مانپوش  
 فکرِ ماہیکانیں شپ چار نیمہ تالان انت  
 دل زبیرنالان انت  
 ”واہگِ زری دوچیں غم“ گوں موسمی دوچاں زیب زندمانِ بیت  
 راج ”نگرہ دان“ ے بیت  
 جی ہما گلیں روچاں  
 گل گوں پیت ے جالاراں  
 یا گوں کبگ رفتاراں  
 ریشمِ قبا کنت  
 ڈیلِ ململیں سرپوش!  
 گلزمین بچکندیت  
 زید مہپراں رندیت  
 ڈیلِ ملگیں موسم زگریں آس پر بندیت!  
 روچ دیدگاں بندیت  
 ہژم گپت جزم ے جوش  
 برفِ چادرِ مانپوش

اکتوبر 1989

(مبارک قاضیٰ کتاب ”زرنوشت“ ے منت ے)



## آپ رنگ

رنگ ہستیءِ دُروشمی درانگازی انت۔ اگاں واب بے رنگ  
 بنت تہ دَرین ءُ پاہوے ساد یگیں بے رنگیءِ بیمناکیءِ میس انت۔  
 گروک گامیں وھدے آسری دم اوں رنگانی گلام چوٹے تہا در  
 کثیت۔ سسا دیدے سہ تھرگیشینیت۔ شر رنگی ہستیءِ صفت انت، چہ  
 بنی آدمءِ ارزشءِ پیش۔ بے رنگی زندمانءِ واگ دستانی بے کردی انت  
 ءُ بد رنگی شول کشیں بے کردیءِ درائیں عاقبت۔ ازم زندمانءِ ساھگ  
 انت، بلئے وھدے گوں زندمانءِ ہوار کپ ایت عبادت جوڑ بیت۔  
 ”آپ رنگ“ ءِ شائری موتکے پہ مارشتی ندارگانی شررنگیاں ۔  
 گلگے گوں دیدے بے رنگیں دامنءِ ، تُرسے چہ بدرنگیءِ تومءِ کہ  
 جوزگانی زمینءِ کپتگ۔

شائری زندمانءِ دلءِ پادبرمش شمار کننگ بیت۔ ”آپ رنگ  
 “ ءِ شیئرانی تہا زندمانءِ کوھسار گوں زیمرءِ کرپاسءِ انچو ھمدپ انت  
 ، گوْشگ کپ ایت کہ زند گ بوھگ ءُ شیئر گوْشگ تہا ھمنچو باز  
 تپاوت است کہ ھچ تپاوت نیست۔

کسانیءِ من فقیرےءِ داتگ چنکے آپ  
 ھما مناں کہ وتی تُنءِ ساھگءِ واپاں  
 کسانی ءُ پیری ، نیکی ءُ بدی ، مُز ءُ عوض ، فقیری ءُ  
 بادشاہی ، آپ ءُ تُن ، ساھگ ءُ روچ ءُ واب ءُ آگاہی اے دُرسیں  
 لبزاں ھمے شیئرءِ پُشدر ءُ پدا شیئر ءُ زندمانءِ تپاوتءِ گیشینگءِ  
 جُھدے بہ کن ۔ برے برے منا انچو سما کپ ایت کہ منظورءِ شائری  
 پُرشتگیں دیوالےءِ ھدامرزی ئیں ساھگےءِ فاتحہ انت۔

منظور وتی آھدے آدینکءِ مھکمیءِ ھالءِ سرپد انت، پمشکا  
 پُرشگءِ گلگے نہ کنت، چنگ ءُ نزارگءِ ھاجتءِ دار ایت ، دانکہ  
 تاوان بار مہ بیت ھما ھیال کہ دُروشمےءِ واھند انت ، چہ بالادےءِ  
 پیداک انت ءُ ادءِ ھیال ءُ پُلءِ سرچوڑانی ھمدپی وت ھما نازرکیاں  
 دَز جنت کہ تھنا یک حقیں شائری میراث انت۔

تئی هیال چو نازرکیں پُلء سر چوڑ ء  
 من شیشگے آن منی تُکراں چن ء نزار  
 جاگہ یےء یک ندارگے انچو نقش بیت کہ چو بنی آدمء  
 بستارےء واهند بیت ء مئے سیالداریانی گیابانء پہ وت جاگہ یےء  
 شوہاز ہم کنت، پہ درور اے شیئرء بچار  
 تو چونیں دوستے ئے ، همساہگےء درد وارے ئے  
 تئی پیژگاہء دُرچکء ساہگء ہم پہ من گُٹنگ پر  
 ادء پیژگاہ ، دُرچک ، ساہگ ء گُٹنگ گوں وتی نازرکیانی  
 چاگردء علامتء سنگینیء نہ سگ آنت بلئے وتی بزانتء شاہیگانیء  
 درگتء چہ شُبینء گامے دیما رثونت ء وهدے اے ” پیژگاہء  
 دُرچکء ساہگء“ ما گوں اولی مصرعء یکجاہ کن این ء چار این گُڑا  
 دل گُش ایت کہ ” ہر اے نہ انت “ بلکیں ہمے ساہگ کہ پیژگاہء  
 دُرچک گُوشگ بوتگ ، ہم انچیں کردےء شوندار انت کہ بنی آدمے  
 بوت کنت ء انچیں آدم ذاتے کہ گوں مئے مارشتی سیمسراں  
 سیالداری بہ کنت۔

دیمروئی کُتگیں دُورء دُرسیں شریانی مانزمان آئیء رفتار  
 انت۔ اے دُورء ہمے یکیں نیکی کہ آئیء گوں وت اَتکگیں بازیں  
 ردی ء ہرابیاء گُڈ گُورء داتگ ء بازیں جاگہاں لبزانکء دور گندیں  
 چماں اوں ہمے موجریں ردیان ء چارگ ء درگیجگء جُہد نہ کُتگ۔  
 ہمے گُوہن ء نوکء نیکی ء بدیء ربیدگی پُشدران اے شیئر  
 چارگ کرز ایت ۔

چہ نیامء ہاک بہ تُرکیت تُری بہ بیت گُڈگ  
 نہ جُنز ایت چہ وتی جاہء دو گام دُرچکء وفا

نہ یتکہ چاکرے پہ ما کہ ما مرید بہ بین  
 ہما کہ مئے دلء بوتگ نہ لوٹ اِتگ کسء  
 منظور بسملء شائریء روتگ بلوچ دودمانء زمینء باطنء  
 قرزانی ہسابء تچک آنت ، بلئے وهدء تپردستانء چہ ساہگء گیش

آس پکارِ اِنْتِ ءُ تاکِ ءُ شاہ اُوستیں دیدگانی دل یکیمی برجاہِ اِنْتِ -  
پرچا کہ روتگانی ندارگِ گوں باطنِ دیدگاں بیت -

زندگی کِشتِ ءُ کشاریءِ گُوزِ ایت  
یک کپوتے چنتِ جوهانِ منی

-----

منِ ءُ تو ہئی ءُ ہونِ این پہ رنگِ یک نہ ہیں  
تئی چوڑ چوڑ کلُمپر، منی تلب چکاس

-----

زندگی درچکِ مثالِ اِنْتِ تہ ریچِ ایت تاکاں  
اشکِ نیمونِ کئے آس پہ آپِ اُورت

-----

دُریگتے راستیں کشِ بوتیں منی سنگیں دل  
نودِ اُتراپِ نہ ات پُل بہارِ گیمرت

-----

شپاں چناں گوں وتی دیدگانی مگرازاں  
ہمے حسابِ کناں کم دلِ گم ءُ درداں

-----

پہ زردیں رولہ ءُ پہ سُہریں بامِ تلوسِ ایت دائم  
گُشے چو ریگزارِ اِنْتِ منی بے آسریں شائر  
غزلِ تہا معنویتِ شوہازِ ہما کردِ اِنْتِ کہ آئیءِ غزلِ را  
داں روچِ ءِ مروچی زندگِ داشتگ۔ ہر لبزِ زندمانِ یک نہ یک  
درانگازی توارے بلئے غزلِ شائریِ ہما تہرِ اِنْتِ کہ ایشیِ تہاباز  
جاگہِ لبزِ بستارِ چہ توارِ گُوزایتِ ءُ دُروشمِ جاگہِ کپِ ایت۔ چہ  
بنداتِ بگرِ داں مرچی ہر شریں غزلِ تہا اے صفتِ اُست - اِدِءِ بس  
چیزے درورِ چہ ”آپِ رنگ“ ءِ غزلاں:

دل منی ہالیگیں شاہیمے گُشے کہ درنکگ  
کنوشِ ہمراہیِ گردایتِ زیادِ مالِ تب

-----

هر کلمپوگِ شمء گُٹگی ناہ یے در کئیت  
کس ایرهتء نہ کنت بند کپاتانی تہا

-----

اے وهد باز برء گوں گنوکاں گوازی کنت  
بہ گندئے نیست بدی یے منی دلء پہ من

-----

هر کس دلء کہ دنت ترا هوشء گار کنت  
هر کس کہ ایر گواتء گوازی تئی نشان بیت  
”آپ رنگ“ ء شیئرانی مسترین صفت ایش انت کہ اے چد ء  
پیسر گوشگ نہ بوتگ انت ء مئے انوگیں شائریء تہا  
Craftsmanship همے رنگء کہ بوھگء انت ، منظورء چرے  
نادرائیء وتا پھریز اتگ۔ هیال ء نازرکیں تہنائیء بگر داں لبزانی  
همک رنگیں اندیمیء ، هر دوئینانی سرچمگ منظورء باطن انت۔  
آپ رنگ ء وانگء وهداں باز جاھاں عطا شاد گیر کئیت ء عطاء کرد  
پہ بلوچی شائریء انچو مزن انت کہ چہ مروچیء بازیں وهداوں گیر  
آرگ کرز ایت۔ عطاء بستار پہ بلوچی شائریء چو هما د َرگہان انت  
کہ آھانی د َرء ھاکاں مردم پہ حیر ء برکتء ھا ترا وتی گورء ایر کن  
انت ء هستیں دورء ھچ شائر چرے برکت واریں اثرا تاں بے بھر نہ  
انت۔ منظورء شائریء تہا هم برے برے عطاء اثرات گندگ کاینت،  
بلئے زبان منظورء جند ئیگ انت ء مارشت ئے هم گستا انت۔  
اے کتابء چندے رنداں وانگء پد اوں من نزا ناں کہ ایشیء  
تہا چنکس غزل ء چُنت نظم انت ۔ منی دلء آت کہ شمارش بکناں  
بلئے شیئرانی اندری زیبائیء منا سر بُری ندارگء اینچو موہ نہ دات۔  
بلوچیء هستیں شائریء تہا هما شائر کہ پہ بلوچی شائریء  
آئندگء راہ یے گیشین انت، آھانی لڑ سک کسان انت ء منظور بسمل  
همے لڑء تہا یک شریں جاگہ یے واھند انت۔ هستیں دورء نظمء  
تہا تجربت ء شوھا زء بازیں شریں میل اتکگ ء چراھاں مئے نوکیں  
نظمء سربری رنگ گیشتر زرتگ ء باطینی صورتء کمتر اثر مند بوتگ،

بلئے ”آپ رنگ“ ءِ نظمائی وانگءِ رند منی اے گلگءِ بالاد کستر  
بوٹگ۔

منظورءِ نظمائی تہاتھنا یک ءِ دو جاگہاں بیر پُشتیں  
جوزگانی درانگازی انچو بوٹگ کہ سما کپ ایت ، اودءِ منظور ءِ اندرءِ  
شائر دور اُشتاتگ ءِ گوشدارگءِ انت۔

نازینک بلوچی شائری انچیں تہرے کہ انوں شیئری صورتءِ  
تہنا ایشیءِ نام پشت کپتگ۔ انوں کہ نازینکءِ نامءِ ہرچی مئے  
گوشاں کپ ایت آ اصلءِ موسیکءِ نازینکی تہر انت، بلئے نازینک  
بلوچی شائریءِ تہا ہم یک مزینیں بستارےءِ واہند بوٹگ ءِ اے تہرے  
چو اندیم بوہگءِ سبب وت اے تہرے سربری دُروشمےءِ نہ بوہگ  
انت۔ بزاں چو غزل ، نظم معری، آ ذات نظم ءِ اے دگہ تہرانی پیمءِ  
ایشیءِ را ظاہری گوناپے نہ رستگ۔ اے تہرے گوناپ یا ہئیتءِ توامیں  
عنصر باطنی انت۔ اے تہرے گون وتی بزانت ، لبزانی رد ءِ بند ءِ موڑ ءِ  
چاڑے رنگاں نشان بیت۔

”آپ رنگ“ ءِ تہا ”مولم“ یک نظمے کہ ایشیءِ تہابلوچی  
آہدی نازینکءِ را گون نوکیں شیئری گزراں سوب مندیں وڑےءِ زندگ  
کنگ بوٹگ ءِ منی گون منظورءِ گلگ ہمیش انت کہ آئیءِ اے  
نازینکءِ را چو آ دگہ نظماں ، نظمے پرچا شمار کُتگ۔

”آپ رنگ“ ءِ تہا یک نظمے ”بابو پنودی“ اے کتابءِ تہاوتی رنگءِ  
تہنائیں نظم انت ۔ نہ زاناں کہ اے نظم من چنت رندءِ ونتگ ۔  
بازیں مُشکلےءِ پد من وتارا چرے نظمءِ چہر ءِ شُبیں ءِ لبزانی  
سحرکاریءِ گیشینت کتگ ءِ منارا باز دیرءِ رند اے نظمءِ بزانتءِ  
بابتءِ فکر کنگءِ موہ رستگ۔ مردم گون دوستیءِ عجیبیں دُروشمےءِ  
دُچار کپ ایت ۔ واہگ کہ آئیءِ کار رنگ دیگ انت، وتی کردءِ  
شמוש ایت ۔ شائریءِ را گون وتی گُلمینءِ گون وتی راجدپترءِ چینکس  
مہر انت آئیءِ نشان چہ منظورءِ شائریءِ ہر لبزءِ پد انت ءِ خاص  
اے نظم چہ دُرساں گیش ہمے مہرے شونداں انت۔ اے نظم یک  
بُن پدےءِ عکس انت کہ آئیءِ شش قہب آنت۔ سہ قہب ہما آنت کہ

مارا اے گلزمینِ گُوستِ مئے راجدپترِ امانت کتگ آنت سہ قہب  
انوگیں واہگی کردئیگ آنت۔

مزنیں ہبرے نہ آت اگاں ما وتی آہدِ قہب وتی میراثِ  
امبازاں بداتِ انت ء ہما رنگ بہ رتکین آنت، بلئے مزنیں ہبرے کہ  
ما وتی میراثِ را وتی رنگِ نوک کنگِ پھریزگ لوٹِ اِتگ۔

”مولم“ ء ”باہوپنودی“ دو انچیں نظم آنت کہ بلوچی  
شائریِ گوہنیں رنگِ گوشگ بوتگ آنت چریشاں ابید لہتیں آزات  
نظم آنت کہ آہانی تہ ”متلب“ ”میل“ ”گمانِ جنگل“ ”گلگ“  
انچیں نظم آنت کہ بیچار کرز آنت ء ایشانی سرا بایدِ انت دل  
جمیٰ چیزے گوشگ بہ بیت۔ ہواریں صورتِ منظورِ آزات  
نظمانی وانگِ رند منا انچو سما کپ ایت گُشے کہ آئیء را علامتانی  
گسر کپگِ ترسِ انت، بلئے چرے ترسِ آچہ علامتاں دزکش اوں نہ  
بیت، بلکیں آہانِ وتی شیئری ربیدگی رنگِ رَج ایت ء پرے کارِ  
منظورِ میاربَار ہم نہ انت، پرچا کہ مئے لبزانک انگت ہم چہ وتی  
پجّارِ شوہازِ مشکولیء نہ چُٹِ اِتگ ء اے دابِ Treatment مارا  
یک کسانیں کساسے عطاشادِ گورِ ہم دز کپ ایت ء ہر جاگہ یے  
کہ منظورِ علامت گوں شیئری ربیدگی رنگِ داشتگ آنت۔ اودِ  
علامتانی شاہیگانی الم تاوان بار بوتگ، بلئے چہر ء شُبینی اوتاگ  
کشی گوں گیشتر نازرکیء کنگ بوتگ۔

منی ہیالِ من انگت اے کتابِ بابتِ ہچ نہ گوشگ اے  
بس دو شیئری بابتِ دو نا توانامیں دانک آت آنت ء گُڈسرا بگشاں  
کہ ”آپ رنگ“ نامِ انت ہما پُر زیمیں بچکندِ کہ چہ دردِ شکمِ  
ودی بیت ء آہدِ چول امبازیں گُٹِ رُدوم زور ایت ۔ مئے آہدِ وتی  
دُرسیں آدینک بے مہریِ پُلکاں دور داتگ آنت۔ پمشکا مئے  
کردانی درُوشم دنزینِ انت۔ دزمالے پکار انت۔  
منظورِ ”آپ رنگ“ داتگ۔

۱۵ جنوری ۲۰۰۰، پسنی

(منظور بسمَلِ کتاب ”آپ رنگ“ ء مَنّت )

## آپِ سرا گواتِ نبشتہ

بلوچی شائریِ مرجیگیں دورِ ہما ہما سئے چار نام کہ باز  
نام آورانت آہانی تہا زبیر مختارِ نام ہم ہوار انت۔۔۔۔۔ بلوچی  
لبزانکِ تہا غزلِ روایتِ بلے باز گُوہن نہ انت بلے غزلِ  
Contribution ہمچو وزن انت کہ بلوچی غزل وتی یک جتائیں  
رنگ ء تبے واہند انت کہ چہ دُورِ پجہ آرگ بیت ء ”آپِ سرا  
گواتِ نبشتہ“ گون ہمے روایتِ ہمگرنجیں کتابے۔

باز وھدے مردم نزانت کہ آ گُجا انت۔۔۔۔۔ ء مارشتِ  
پہمیانیں پدیانکانی حسابِ بیہال بیت - اگاں چو مہ بیتیں گُرا  
مہلوکے را منی بابتِ آچ من جُست کننگِ ہاجت نہ بوتگ  
ات۔۔۔۔۔ بلے ہر وھدے شائر یا لبزانتِ بہ بیت گُرا ارواہِ منافق  
وتی درانگازی کنت۔۔۔۔۔ زبیرِ انگت سماء نیست کہ آئی شیراں  
آئی را چیر تریتنگ۔ زبیرِ ہیال انگت ہمیش انت کہ لبز آئی  
دستِ انت بلے نزانت کہ شیرِ مانا آئی چوں پاشک کنت - من  
ئے اگاں بگش آن کہ ”نوں بس انت اے Sugar Coated تہلیانی  
روزگارِ یلہ دئے“ گُرا آ اَلَم منا گون انچیں کپوتی ہیرانی یے چار  
ایت کہ بنی آدمی تاوانے بہ بیت۔

زبیرِ مستریں جیڑہ سنگینی انت - اے کتابِ تہامن یک  
انچیں کسانیں زہگے دیستگ کہ آ چہ وابہ گُڑینگ بوتگ۔ چاریں  
نیمگاں چاران انت ، بلے دُرس درامد انت۔ آ انچو ہیران انت کہ  
گریوگ ئے شُمشتگ۔ زبیرِ چہ سنگینی تُرس ایت۔۔۔۔۔ چہ شیرِ  
سنگینی۔۔۔۔۔ چہ عشقِ سنگینی۔۔۔۔۔ چہ زندِ سنگینی۔  
آئی را یک چولے ہمراہ بوگ دوست بیت ، پمشکہ وتِ  
بچکندے باھوٹ ئے کُتگ۔ آئی سماء نیست کہ آئی بچکندِ  
آستونک چنچو لُک انت۔ زبیرِ پہ منزلِ ردِ دیٹگ قیامت انت۔۔۔۔۔  
ہر درامدیں چیدگِ نشان کنت ، دُرسیں پدانی قبران زیارت کنت،

هر توارِ چراغِ امباز ایت ---، هر زیرِ پندولِ گارِ ایت۔ سرّ  
چست کنت ءُ ٹھک دنت۔ آ وتی چمانی گنہگارِ ایت، گریت بلئے  
ارسانی تْنِءِ موکِ اِت نہ کنت۔ ترانِ ایت پمشکا کہ هاموشی ئے چیر  
مہ ترین ایت۔

گروکِ جمبرانی دلِ آسِ ایت یا اِزم ---، وتِءِ چہ دیدِ  
پُہتہ کاریِ ہزابِ رگینگِ جُہد ---، جہادِے یا  
ندارگانیِ کوش۔ ---، زیرِ اے جنجالِ نہ کپتگِ پمشکا آئیِ اندرِ  
اِزمکارِ دستِ ہونینِ آنت۔

زیرِ اے کتابِ سرا بازیں چیزے نبشتہ بوت کنت بلئے  
من یک چیزے مارِ اِتگِ ءُ وتی قلمِ کوتاہِ داشتگ۔ من وھدے اے  
کتابِ وانِ آنِ گُڈسریِ غزلاں سرِ بوتگِ آنِ زیرِ توارِ تہانوکیں  
بُرمشے منی گوشاں کپت ءُ ہمے نوکیں بُرمشے منِءِ کتابِ آ دگہ  
شیئرانِ بابتِ چیزے گُشگِءِ مکنِ گُتگ۔ ءُ من سرپدِ باں کہ اے  
کتابِ انچو کہ پہ بلوچی لبزانکِ ٹیکی یے انچو پہ زیرِ نوکتریں  
توارِءِ مستاکِ ایت۔

25 دسمبر 2002 (پسنى)

( زیرِ مختارِ کتاب ”آپِ سرا گواتِ نبشتہ“ ءِ منّت )



## بیل ءِ آلاڈ

بلوچی لبزانکِ نبشتگیں مڈی انچو کہ کم آنت ، ہمنچو  
 کسان سَند ہم هست آنت ءِ پدا بلو چی ردانکِ قد چو ہما زہگِ  
 انت کہ انگت چمِ ئے پچ نہ گُتگ آنت۔ مروچیگیں دورِ کہ دنیا  
 مستر ءِ آزگار ترین زبانِ واهند وتی گالوار ءِ زبانِ تبِ بابتِ چار ءِ  
 بیچار کن آنت ءِ پراہانی بانداتِ تکانسر انت بلئے مرچی نبشتہ  
 کارے دیما یک لبزے شش رنگِ نبشتہ بکن تہ آ لاچار انت بہ  
 گوش ایت کہ ہر ششیں راست نبشتہ آنت ۔ بلئے راستیٰ ہر ششیں  
 رد آنت۔ پرچا کہ راستِ گوناپ باید انت کہ یگے بہ بیت۔ اے ہما  
 لبزانکی چاگرد انت کہ ادِ کس وتی گُشتگیں لبزِ بستارِ سرپد نہ  
 انت، نہ گوں زبانِ دراہگِ آئی نیاد بندگان بیت ءِ نہ نبشتہ دمانِ  
 آئیِ قد گیشینگ بیت ءِ اے ہبرِ باید انت مردم دلجم بہ بیت کہ  
 ازمِ ہر ہما تہر کہ آئیِ درانگازی گوں زبانِ وسیلہ انت پر آئیِ  
 لبزانی سنج ، گچین نہاد ءِ کارمرز بُندری کار انت ءِ بلوچیِ ہاترِ  
 ابید لہتیں تہنائیں جُہداں کسّے ہوریں صورتِ چُشیں چن ءِ لانچے  
 نہ گُتگ کہ آئیِ حاصلے رست بہ کنت۔

چُشیں نامرادی ءِ میارباریِ جاوراں ستا گرز آنت ہما کس  
 کہ اچ وتی ازمی زندِ بنداتِ گوں رمکاریِ ہمگرنچ آنت ءِ اکرم  
 صاحب خانِ چہ ہما نبشتہ کاراں یکے کہ چہ دُراجیں مُدتے نبشتہ  
 کنانِ پیداک انت ءِ مستریں ہبر ایش انت کہ داں روچِ مروچی ہم  
 آئیِ رفتارِ تہاچ پیمیں تپاوتے نیاتکگ۔

مئے مروچیگیں رمکار گوں زبانِ بُنی مُشکل ءِ اڑاں انچو  
 مانگیشِ اِتگ کہ چرائیِ نوکیں اسلوب ، زبانی فضا، لبزانی بہا ءِ  
 نہادِ بدلیِ سدلی ، نوکیں چہر ءِ شینی چاگرد ءِ اے دگہ لبزانکی  
 گُزرانی لوٹ کنگ نہ بوگِ انت۔ مروچیگیں رمکار ءِ لبزانی نیامِ  
 دلرنجیانی غبارے تالان انت، نبشتہ کار ہر لبزے کہ دست جنت آ

وتی دیمہ مجینیت ءُ ہر لبزہ تومہ نبشتہ کار کش ایت آ جور رُودین  
 ایت - من انچو مار آن کہ لبز ءُ لبزکارہ نیامہ صلاہ ضرورت ایت۔  
 نبشتہ کارہ باید ایت کہ لبزہ تبہ بزانت ءُ لبزہ باید ایت کہ نبشتہ  
 کارہ قدہ سرپد بہ بیتہ لبز ءُ لبزکارہ نیامہ اے داواہ ہما مردم ہلاس  
 کُت کن آنت کہ آچہ بنداتہ گون وتی تاگتہ نبشتہ کننگہ آنت ءُ  
 اے جنگہ سرچمگ ءُ دلرنجیانی بُن ہشتہ پچہ کار آنت ءُ آہانہ  
 باید ایت کہ چہ وتی زبانی دیدہ گیشہ چہ گیش کار بہ گر آنت۔  
 اکرم صاحب خان گون ہما سرپہ سیادی دار ایت کہ چہ  
 بنداتہ رمکاریہ اے ناراستیہ راہہ مُسپار ایت ءُ برے برے منہ  
 انچو گمان بیت کہ اکرم صاحب خانہ گون وتی لبزاں صلاہ صورت  
 درگیتکگ ءُ آئیہ کم چہ کم لبزانی رضا الم جُست کُتگ۔  
 منی گون اکرم صاحب خانہ دزبندی ایت کہ وتی جُہداں  
 برجاہ بدار ایت پرچا کہ لبز ءُ لبزانتہ نیامہ اے دلرنجی ہمنچو  
 زوت آسر بہ بیت پہ لبزانکہ ہمنچو گیش پائدگ ایت۔

۹ مئی ۱۹۹۸ (پسنى)

(اکرم صاحب خانہ ”بھیل ءُ آلاڈ“ مئتہ)

## شیرکنیں شعرؔ بینگیں کسؔ

منا کسے بہ پُرسیت کہ لبزانکؔ تھا بے تامؔ آواگ ترین کار  
 کجامِ انت؟۔۔۔ منی پَسہ ہمے بیت کہ۔۔۔ پیشگال نیسی۔۔۔ ریا،  
 رگبت، دوستی، مردم گری۔ ہرچی کہ چاگردی زندؔ الکاپ ترین  
 دُروشمِ انت، اے دُرس ہمدا اُرش کن انتؔ ہمے نبشتہؔ چہ نبشتہپی  
 کٹؔؔ گوازین انت ؔ ثوابے جوڑ کن انت بلے لبزانک ہما کار انت کہ  
 اے نہ پہ دنیاؔ کنگ بیت ؔ نئے پہ اکبت۔۔۔ ایشیؔ رنگؔ جلوہ ؔ  
 تام ؔ لذت بس ہمیش انت کہ اے تہنا پہ ساچشتی کیفؔ چاڑےؔ  
 باترا بہ بیت۔ اگاں نہ گڑا اے لبز دواہے و جوڑ بوت کن انت بلے  
 لبزانکؔ دردؔ نہ ورانت۔

بلے برے برے انچیں کتاب ہم دیما کاینت کہ آہانی سرا  
 نبشتہ کنگ مردمؔ ہمینچو تابیر دنت ہمینچو شعر یا لبزانکؔ جند۔  
 ”بیوانکی دَمکاں کوارؔ کنان انت“ من اے کتابؔ وانگؔ وہدان  
 بچ جاگہ نہ ماراٹگ کہ من اے ساچشتی عملؔ بھرے نیاں۔ ہما  
 کیف، ہما چاڑ ہما تابیر کہ شعر پربندگؔ وہدؔ مارگ بیت آ دُرس  
 من کتابؔ وانگؔ وہدؔ ماراٹگ انت۔

امیرؔ شعراں منا بچ جاگہ تہنا نہ کتگ۔ ہر سہت گوں من  
 ہمراہ بوتگ انت۔ ہما چاڑ کہ ساچشتی دمانانی برورد انت اے  
 کتابؔ ہرتاکؔ منی سرا ساچان بوتگ ؔ داں اے دمانؔ کہ من اے  
 چاریں کشکاں رندگایاں من انگہ شعرے جیڑگایاں کہ۔۔۔

کپوتاں گلہانی گرنچ گون انت

پہ اہدؔ بالواں ہامین بوتگ

اے دوئیں ردانی (مصرع آنی) نیامؔ ہما ہبر کہ یلہ دیگ  
 بوتگ یا اندیم کنگ بوتگ، ہما اصلؔ لبزانک انت، ساچشت انتؔ  
 ہما ٹریجڈی انت کہ شعرؔ بارتؔ ساچشتؔ سیمسراں سر کنت۔  
 اگاں ہمے اندیمیں گپ پدّر کنگ بوتیں اے یک چاگردی ؔ راجی

موتکے وَ بوتگ آت، سیت مندیں دانکے، جَوانیں نبشتانکے وَ بوتگ  
 آت بلے شعرے درجہء سر نہ بوتگ آت۔۔۔ من جیڑگا اِتاں کہ  
 ”کپوت“ ءُ ”بالو“ دو، دودمانانی چہرانت ”کپوت“ بلوچ دودمانے  
 گوستگیں دَورے چہر انت ءُ ”بالو“ بلوچ چاگردے نوکیں دَورے۔۔۔ ءُ  
 اے دوئیں زمانگانی نیامے ہر بدلی یے کہ اتکگے آیان انت آہانی  
 سنگینی ءُ سُبکے کسائے اگاں ما بہ کنیں گڑا اے دوئیں  
 ردانی (مصرع آنی) نیام پُر بیت ءُ ہما ٹریجڈی وجودے کیت کہ یک  
 چاگردے وتی مرچی ءُ گوستے ہسابے بہ نندایت ءُ ببا داتگیں  
 مدّیانی یاتے بہ کپ ایت۔ بلے اے شعرے مستریں کمال ایش انت کہ  
 وانوک شعرے اندرے پُترت مہ کنت ءُ ہمے ماناء سرپد بوت مہ کنت ہم  
 اے شعر آئی ءُ ہمینچو لذت دنت کہ شعرے حق ادا بیت۔

ازم کجام ہم دروشمے بہ بیت ازمکارے وتی تہا بند کنت۔ ہر  
 ازم درشانے راہ ءُ در جتا انت۔ بوت کنت کیف ءُ چاڑے ہم جتا بہ  
 بنت بلے شعرے چاڑ شاعرے یک گبارے تہا بندیگ کنت۔ نوں اے  
 شاعرے توکل ءُ گچینے سرا انت کہ آ اے گبارے دیوالاں چوں جوڑ  
 کنت؟۔۔۔ اے دیوال گوں روشنائی ءُ ہم جوڑ بوت کن انت ءُ گوں  
 زیمہ ہم۔۔۔ گوں تندے ہم جوڑ بوت کن انت ءُ گوں تچوکیں آپ ءُ  
 ہم۔ اے ہر کسی وتی وتی توکل انت۔۔۔

شپ منی چماں رُستگیں وہمے

گُلگ رے دروازگاں پتہاں انت

اے اصلے ہمے گبارے تہا بندیگ بُوگے شیرکنیں گلے یے۔ اے  
 شعرے اولی ردے تہا کہ سہ لبز کارمرز بوتگ۔۔۔ شپ۔۔۔ چم۔۔۔  
 وہم۔۔۔

اے سپیں بزانتی جہتے یگے دومی تہا انچو ایر روان انت کہ  
 سپیں لبزانی مانا بدل بوتگ انت ءُ منا انچو گمان بیت کہ اے رد  
 بس یک دو رنگیں لیکے۔۔۔ انچو کہ ز رَدیں رنگے لیگے روانے  
 سہریں رنگے تہا ہوار بہ کپ ایت۔۔۔ اے ردے تہا ہر کہ بندات بیت  
 انچو جُنزایت کہ میزاں میزانے میم، مارشتے تہا بُکیت ءُ وانوکے ہچ

سما نہ کپ ایت پدا دومی ردے سر بے تہ اودے د رے دروازگ  
دونگ بوگا انت، پرچا کہ میمے وٹامارشت میار کتگے اے شعر گلہ  
یے بوگے ابید ہم چو د عایے شیرکن جوڑ بوتگ۔

شپ سرا رتکگ مے تہے زپتیں مردمے  
شیرکنیں شعرے بینگیں کسے گوپتگ انت

ساجشتی سپرہمے شیرکنیں دردے روشنائیں کارپدانی  
سرگوست انت۔ اے یک انچیں جُنزے کہ وتی کشکے وتی  
منزل انت۔ وتی شپے وتی چراگ انت۔۔۔ اے کتاب  
امیردوستے اولی کتاب انت۔۔۔ اولی گام انت۔۔۔ بلے راستیں ہر  
ایش انت کہ امیرے وتی سپرچمودے بندات کتگ کہ اودے بازیں کسے  
وتی سپرے گڈی روچاں واپ کپ ایت یا واپے گندایت۔۔۔

ادا کسے تماشا ریچگی انت

د گے نکش انتے اسپے زین بوتگ

اے وڑیں رتکگیں تماشا کہ گوں ارواہے چماں چنگ بنت۔ اے  
کتابے تہا باز انت۔ اے ساجشتی سپرے ہما جاگے انت کہ۔۔۔  
تو شب آفریدی چراغ آفریدم

اے توکلے ایمانے مردمے تہا بس ساجشتی توان ودی کت کنت کہ  
مردم جلگہ بے کساس شاہگانیں شپے گٹے وتی سازاتگیں چراگے  
ایر بکنتے پدا چہ دوئیناں شمشکار بہ بیتے چماں بند بکنت کہ  
تماشا و تہا ہست۔۔۔ نون ہر ہما جاگہ سر بوگا انت کہ باید انت  
من امیرے کتابے شمعے دستے بدیانے وتی راہے بگراں۔۔۔

امیرے اے گوات گٹے چاڑے شپانکی

گباراں جنگلے یگر کنان انت

## مرچی باید ہمیشِ انت کہ جنگے بہ بیت

مروچیگیں جاوراں خان صابرے اے کتاب باید انت کہ هر  
لوگے ایر بہ بیت۔ باید انت گوں هر وانندیں مردم دلے دریگگاں  
هوار بہ کپ ایت۔ پرچا کہ اے یک سرزمینے دلے توار انت۔ اے  
یک راجے گوهنیں نادرائے شون انت۔ نادرائے جندے پهمگ چه  
علاجے هم مستریں بستارے دار ایت۔ اے سرشونے چدے پیسر هم  
بازیں مردماں شیئر گشتگے انوں هم بازیں کسے شیئر گشتگے انت  
کہ آهانی تہابلوچیے مزنیں شپرداریں نام هوار انت۔ بلے خان  
صابرے شیئر چرے دراہاں جتا انت۔ خان وتی وے وانوکے نیامے زیمیرے  
آبریشمیں چادرے هم سگے ات نہ کنت آ لوٹ ایت کہ آئیے دلے توار  
هما وڑ کہ چرائیے دلے در کثیت هما پیئم مہلوکے سر بہ بیت۔

من خان صابرے وتی کسانے یکے دو رندے دیستگ ات پد ا  
من تاکبندے ماہتاکاں آئیے شیئر نیشتانک ونتگ انت۔ خانے شیئر  
بہ بنت یا نیشتانک آهانی وانگے رند منے عجیبیں مارشے بوتگ۔ انوں  
کہ اے شیئرانی دپتر منی دیما انت داں اے سہتاں هم خان  
پیئم نہ دیستگیں دوارے پیئمے انت۔ منی هیالے خان صابر چه  
هما مردمان انت کہ پہ وتی مقصدے زندگ بوت کن انت وے پراہاں  
زندگی آهانی مقصدے ابید دگے هیچ مطلب وے مانا یے نہ دار ایت۔  
من خانے کمٹ منٹے انچو عزت کن آں، انچو کہ زندگے، انچو کہ  
گلزمینے، وے مردم دانکہ زندگ انت زندگے وے گلزمینے وامدار انت۔  
ازمکارے یک مزنی یے ہمیش انت کہ آ وهد وهدے سرا زندگے شہمے  
بکش ایت، گلزمینے رنگے دنت۔ وے اے جہد خانے وتی سرجمیں  
زندے گتگ۔

زی تئی واہگے چم منی نژانت  
مرچی باید ہمیشِ انت کہ جنگے بہ بیت

اے شیئرِ دومی ردِ خان صابرؔ توامیں زندگیء چاگرد کنت ۔  
 آئیء وتی ہونء ہر ترمپء جوہر ، وتی پگرء ہر رنگ ، وتی زندء  
 ہر کترہ ہمے جُہدء را بکشاتگ۔ آئیء وتی توامیں زندگی ہمے ”  
 مرچی “ تہا گوازینتگ کہ آئیء را جنگے پکار انت۔ آئیء تیوگیں  
 عمرء پہ سلہیں پگرےء باج بریء داوا کُتگ۔ انچیں پگرے کہ آئیء  
 شہار بنی آدمء ہر لوگء ساہگ بہ کنت۔ ء ہمے جُہد ء داوا گوں  
 آئیء ہر شیئرؔ ہوار کپتگ۔ پمشکا آئیء شیئرانی زیمہر تہا وابناکیء  
 شیرکنیء بدلء تکانسریء تہلی گیشتر مارگ بیت۔

حقیں ہبر ایش انت کہ خان صابرؔ شیئرؔ بابتء آ پیئم تران  
 بوت نہ کنت چو کہ ما آد گے شائرانی بابتء گپ کن این ۔ پرچا کہ  
 اے شیئر نہ واب گیچ انت ء نئیکہ ٹوہین آنت۔ نہ مُرگے بیت ء بال  
 کنت نہ پُلے بیت ء سُرپ ایت۔ نہ زمانگء کُتء سرا ایر کنت ء  
 نئیکہ آئیء عکسء کش ایت ، بس یک کارے کنت کہ تئی چمّانی  
 دیمء تئی چاگردء پَر یچ ایت۔ نوں تو بژنی بے کہ بچکندئے ، واب  
 کپ ئے کہ آگاہ بے رضا تئی انت۔

نوں گڈ سرا خانؔ توامیں شیئرانی وانگء پد من اے ہبرؔ بہ  
 مٹاں کہ اے دوار باز شاہیگان انت۔ ایشیء وتی روچ ء ماہ ء استال  
 آنت، وتی کوہ ء کئور آنت، وتی راہ ء گٹ آنت۔ من بس چہ دُورء  
 ندارگے کُت کناں ۔ اے شہرء گواتء کیپء گوں جُست نہ کناں ء نہ  
 ایشیء پُلان نامے پر کُت کناں ۔۔۔۔!

28/05/2006 ،پسنى

(خان صابرؔ کتاب ”بَرْمَش“ ء مَنّت ء )

## چوتار

اے کتاب ”چوتار“ کہ انور صاحبؔ اولی کتابؔ چہتؔ  
 شُمئے دیما انت۔ اے باید انت انورؔ سیمی کتاب بوتیں۔ انورؔ یک  
 مسودہ یے کہ نامِ ئے ”برمش“ آت، ہما وھدان دیستگ آت کہ من  
 اسکولؔ وانگؔ آتاں ء بلوچی وانگ ء نبشتہؔ شوک نوکی سرکشگؔ  
 آت۔ ء انورؔ دومی مسودہ ”گندیم گونگ کھربا“ سالے کپے پیسر  
 منی دیما گوستگ آت۔ ء انورؔ اے ”چوتار“ کہ انورؔ منؔ دانگ  
 آئیؔ رد ء بندداتگیں سیمی مسودہ انت کہ اولی کتابؔ دروشمؔ  
 شُمئے دیما انت۔

آ انورؔ صاحب خانؔ کہ من چہ زمانگؔ زاناں ، آ اے نہ انت  
 کہ ”چوتار“ؔ تاکانی تہا انت۔ آ انورؔ وتی ہوردگاں چنکاں کننگ ء  
 بچکندگ زانت ء اے انورؔ وتی زمانگؔ سلامتیں بہرے بوگ لوٹ ایت  
 ۔ من پرے ہبرؔ وشاں کہ انورؔ اے کتابؔ تہا آئیؔ گوھنیں رنگؔ  
 ابید نوکیں رنگ ہم مان انت۔ انورؔ نوکیں شائریؔ تہا تہنا آئی  
 لفظیات مٹ نہ بوتگ بلکیں آئیؔ مارشتی سیمسرانی تہا ہم بدلی  
 اتکگ۔ انورؔ کہ من انورؔ یک گوھنیں شیئرے گیر کناں تہ ہیران  
 باں کہ آ وتی زمانگؔ چنکس شرب دنتؔ چاگردؔ چمؔ اشارہؔ سفر  
 کننگؔ چنکس تاگت دار ایت۔

یک انورؔ ے ایش انت کہ  
 چہ کجا راہؔ کاروان گوستگ  
 من کجاں دنزانی تہا گاراں

میتگؔ کثیت دردؔ سوداگر  
 تو درؔ شم کن ئے توار کن ئے  
 ء دومی نیمگؔ ”چوتار“ؔ شیئر آت کہ  
 سر زمینؔ پر وتا ہستیں کبندے در بچن



عاقبت شاہِ تلمبیں آزمانِ دز بہ گر

توشگِ کوارِ کُٹِ اِتگاں آپ چاگلِ  
 نوکیں صباِ منزلِ راہاں سفر کُتگ  
 ”چوتار“ ءِ شیئرانِ تہایک انچیں مردمے سپرا بیت کہ زندِ  
 سوب مندیِ توامیں رپکاں بلد ءِ سرپدِ انت ءِ وتی چاگردِ ہم وانده  
 کئنگ لوٹ ایت - آئیِ کرّہ زندِ زیبائیِ یک گیشینتگیں لیکویے  
 هست کہ بس ہمے یکیں لیکوِ سرّہ بھیسہ کنت۔ بلئے من اے  
 کتابِ واناں ہما پُرتگیں انورِ شوہازیگِ اِتاں کہ وتی ہوردگِ ئے  
 دست بہ بنت ءِ اے نیم ءِ آ نیمِ دامنِے اُوستِ چاراں بہ بیت۔  
 نوکیں انورِ کُھنیں انورِ کَمیں اندیم کُت و کنت بلئے گار کُت نہ  
 کنت۔ پمیشکا چندے اے وڑیں شیئر ہم منی دیما گوستگ کہ  
 چہ رگّے سُھریاں لُٹاں شرابِ تام رسیت  
 چراگِ کُش کہ منی ساہگِ را نام رسیت

ملارِ گورم پُرش انت دیدگانی بالاد ءِ  
 دلاناں کٹیپ ہما کدباں مدام رسیت

24/01/2005

(انور صاحب خانِ کتاب ”چوتار“ ءِ منّت ءِ )

## چندے پُرسی لیک

پجہ آرگ باطنء رُژناں چہ رُژنے ---- باز شریں چیزانی  
 مستریں شری ہمیش انت کہ آ گوں ما پجاروک انتء بازیں چیزانی  
 ڈالچاریء سبب آہانی درامدی انت ء گوں مئے زانت ء پگرء شیئر یا  
 لبزانکء آ دگہ تہراں گوں سیالداریء ہاترا چندے اوتاگ تچک  
 انت ---- ء اے اوتاگ میڈیا ٹیگ انت ء میڈیا اے اوتاگ مئے یک  
 لچہ کار یا لبزانتے ء مئے دلگوشء بہر جوڑ کن انت ۔

وہدے کہ عارف عزیزء شیئرانی دپتر منا پہ پیشگالء نبشتہء  
 دیگ بوت تہ من چرائیء پیسری جُست ہمے کُت کہ تو و تی شیئر  
 پہ چھاپ ء شنگ کننگء پرچا دیم نہ داتگ انت ---- تہ عارفء  
 پسہ دات ” من و دیم داتگ انت بلئے شونکار ء مسترانی تبء نہ  
 کپتگ انت“ ---- چہ عارف عزیزء اے دانکانی ایش کُنگء گوں من  
 ہمائیں ہیراناں کہ پیشگالء نبشتہ بہ کناں ---- یا پہ بلوچیء  
 لبزانکی تاکبنداں چیزے پُرسی لیک بہ کشاں ---- پرچا کہ عارفء  
 شائری من ہر وڑا کہ چار اِتگ آ مئے شر ترین تاکبنداں چھاپ ء  
 شنگ بوگء لائق انت ---- ء من جزم آن کہ اے کتابء بہا زورگء  
 وہداں ہم بازیں کسے ہمے ہاترا ہیران بیت کہ آہاں اے شائر  
 چد ء پیش نہ و نتگ۔

شائر ---- کساسے اِزمی بالادے ہم دارایت بلئے چرے  
 اِزمی بالادے اندرء ہر شائرء پگر ----، سرگُوست ----، لیکہ ء تبء  
 رنگ انچو سہرا بنت کہ ہر شیئرء جتائیں بستارے بند انت ء عارف  
 عزیزء گورء من چندے انچیں شیئر دیستگ کہ آ موسمء بدل بوگء  
 پد ہم وتی زندگیء پھریز ات کن انت۔

من عارف باز رنداں دیستگ ----، پُر مہریں پُر مڑاہیں ء  
 سلامتیں مردمے رنگء ----، بلئے آئیء شیئرانی وانگء وہدء من  
 مدام گوں عارفء اروہء د ُچار کپتگ آن ---- من مدام کانچے

دِیستگ کہ ژندِ اِنْت ---، ہوشامے دِیستگ کہ چولِ جنانِ اِنْت  
 ---، عکسے دِیستگ کہ چہ دیدگاں دلگرانِ اِنْت ---، زِرے  
 دِیستگ کہ تَتی اِنْت ---، کلوه یے دِیستگ کہ دُس ئے گار  
 اِنْت ---، پدے دِیستگ کہ تہنا اِنْت ---، گواتے دِیستگ کہ نفس  
 بندِ اِنْت۔ عارفِ عزیزے توامیں شائریءِ موسمِ یکینِ اِنْت بلئے رنگِ ئے  
 جتا اِنْت ء اے رنگِ انچو جتا اِنْت کہ یکِ اِنْت ---! انچو کہ  
 سبزیں رنگِ دست چہ سُہریں رنگِ ہوناں بے میار مہ بیت ---،  
 انچو کہ اِسپیت وتی سیاہیں پولنگِ شموشگِ جُہدے بہ بیت -  
 انچو کہ ارس بچکندے بالادے بہ شود ایت دستاں ہُشک بہ کنت  
 ---، انچو کہ بچکند پہ ارسِ بانداتے توازہ بہ کنت۔

عارفِ عزیز سکیں نزوریں شائری پرے ہاترا جریدہ آنی  
 شونکاراں چھاپ نہ گُتگ۔ عارف سوب مندیں شائری پرے  
 ہاترا کہ شونکارانی لبزانکی بالادے پدر گُتگ۔

عارفِ مستریں کمال ایش اِنْت کہ آ وتی اندری چست ء  
 ایراں ہچ پیمیں لبزانکی فیشنے پردگانی تہا چیر نہ دنت۔ پمشکا  
 آئیے بازیں شیئر گوں ما انچو نژوک اِنْت کہ مااش کمار نہ کن این -  
 ”عشق ، اروہ کفن“ غزل ء نازینکے تنک ترین راہانی  
 مسافر اِنْت کہ برے ادے قرار زور ایت ء برے اودے بارے بوج ایت۔

موتک شان ایت سَتکگیں ارواہ منی

دردے الہانے غمِ زیمر بہ بیت

یا

نازینک جنت زبیرے یا دردے چھاپ کنت

دنیا منی گنوکی قندیلے ساپ کنت

پُرشگِ ہاترا اولی شرط سلامت بوگ اِنْت ء سلامتیءِ مستریں  
 تُرس پُرشگ ---، بلے ابید پُرشگے دو چیزانی ہوار کپنگ ہم نہ  
 بوتگیں گپے ---، پمشکا باز جاگہاں سلامتیں ساچشت اندری پُرشت  
 ء پُروشانے منتے پھر بند ایت۔

من انچیوں کوہ یے آن ہزار وار پُرشتگاں

تو انچیں آپے ئے کہ منی روحِ زیمِل ئے  
 عارفِ واب ءُ آگائیِ نیامِ دلِ بشارتاں نبشتہ کنت ---، نہ  
 گریت نہ بچکند ایت ---، چمّ ئے تنیگہ تئی اَنت ءُ لُنت ئے  
 ساکم--- منا اے شائرِ سرا باز بدکئیت کہ سلامتیں مردمے وتی  
 ساہگِ اندیم ئے کُتگ۔

عارف من واب کپتگیں چمانی سفر  
 بلئے واجہ چہ ارسانی زرّہ آ دیم آگاہیِ زمینی دُروشمِ  
 حاجتِ مانا چی انت کہ تئی چمّ ہُشک اَنت---؟  
 چہ بچکندِ بامِ پد اوں دامنِ چراگِ پھریزگِ متلب چے  
 ---؟ کہ نہ بچکندئے،

عارف ---! تو زندگیِ توامیں موسماں سِنگ جنٹگ ءُ بال  
 دینگ لوٹ ئے - من نزانّاں ترا بواناں یا زندگیِ ہما گِلہ آس بداراں  
 کہ تئی نامِ اَنت -

عشق دوئیں دنیاِ یکتائیں دلِ اَنت  
 عشق داستانے نہ اَنت زوت یات بیت  
 تو شائرے ئے تہ زندمانِ بابتِ چے گُش ئے ---؟ باز  
 وشیں شیئر گُش ایت ، بلئے اچ وتا زھر کُتگ ئے ءُ وتی پش کپتگیں  
 یکیں ہمراہِ را ہم بارتِ کبرِ دپِ نادین ایت:  
 تہنائیِ گورِ اَنت وتی درتگیں کفن  
 مُرگاں اوں زندِ بال کُتگ سیاہیں جنگلِ

بلئے عارف --- بے گناہ اَنت ، پرچا کہ زندگی دستِ  
 گرگِ ہم رضا بیت ، بلئے اِزم دلِ کُتّے نادینگ کپ ایت ءُ اے  
 جُہدِ پلگارگِ باز رنداں وتی ہنکینِ سما اوں نہ کپ ایت --- ہر  
 کس کہ چہ دلانی ساہگاں گُوز ایت ، وشبوانی پداں پش گیج  
 ایت---، زبیرانی اوتاگاں نگاہانی مُج اندیم کنت ---، شائر اگاں  
 اے امانتاں زبانِ میار مہ کنت تہ اُہد کئی ماںزمان بہ بیت۔

چمّاں بدئے زبانے، زبانِ دو چمّ بدئے  
 روچے کہ تو منی چہ دلِ ساہگِ گُوزئے

ھورکیں کچکول امانت داریانی مستریں پلہ مرزانت ، بہا ء  
 سیم ء دئے ء زورء کار ء بار ارواہء رد دیئگ انت بلئے شائر ہما ٹگ ء  
 مردم انت کہ آہانء ارواہاں رد داتگ۔  
 مرچی بے واراں تئی مہرء درء باھوٹ باں  
 ما کہ بے تو در نہ گیتکگ دوزہ یے نہ جتے  
 ”عشق ، ارواہء کفن“ ء غزل دلپرشتگیء سلامتیں عکسے ء  
 ایشیء دیما ڈالچاریء مہکمیں دیوالے مک انت ء اے کتاب کہ مئے  
 دستء انت ۔۔۔ ، باید نہ انت کہ چریشیء عارف عزیز لبزانکی  
 بالاد گیشینگء جُہد بہ بیت ۔۔۔۔۔۔ پرچا کہ منی ہیالء اے کتاب  
 عارف عزیز شائریء بانداتء مستاک انت۔

10 مارچ 2001 ، کیچ

(عارف عزیز ء کتاب ”عشق، ارواہء کفن“ ء منت ء )

## دل چڑگہ

کتابانی سرا پیشگال نبشته کنگہ رواج اصلہ لبز ء چاگردہ  
 نیامہ درامدی چیدگہ درامدی ہمے مارشتہ را دروشم دیگہ  
 ہاترا نگد لبزانکہ نہ سستگین بھرے جوڑ بوتگ۔۔۔۔۔ باید و  
 ہمیش ات کہ پیشگال نبشته کنگہ وھدہ ہما توامین چیزانی ہیال  
 دارگ بوتین کہ نگدہ ہاترا لازمی انت۔۔۔۔۔ بلئے ما گندی کہ  
 چوش نہ انت - چناھا بلوچی تہاھرچی کہ نگدہ نامہ نبشته کنگہ  
 بوگہ انت آ ہم چہ نگدہ ساچشتی پھناتاں زبہر انت - مئے کرہ  
 نگدہ سرشونہ چندے انچیں آرزانیں رپکاں گوں کار گرگ بوگہ انت  
 کہ ساچشتی سنگینیہ جند نہ گواہ ایت۔۔۔۔۔ آ لبزانکہ تہاکہ نگدہ  
 ذمہ واری گدار، آزمانک یا نظم ء غزلہ مانا سبقت دیگ بہ بیت  
 ۔۔۔۔۔ گڑا باید انت کہ مردم چرا نگدہ توبہ کار بہ بیت۔ نگد باید  
 انت گوں ساچشتہ ہمگام ء ہمسفر بہ بیت چہ ساچشتہ روتگان  
 آپ بزور ایت - ء من اے سطرانی نبشته کنگہ وھدہ اے ہبرہ پدہ  
 بہ کناں۔۔۔۔۔ کہ اے چاریں دانک دادہ شائریہ گیش ء گیوار کنگہ یا  
 آئیہ شیئری بالادہ گیشینگہ ہاترہ زندگ نہ بوتگ انت۔۔۔۔۔ من  
 تہنا رواجہ پدگیری کناہ یکہ دو دمان گوں دادہ شیئراں ہمراہ بوگ  
 لوٹاں ء بس۔

”وھدہ آبریشمین روچ“ دیما روان انت۔۔۔۔۔ لبزے  
 صورتہ۔۔۔۔۔ بویہ رنگہ۔۔۔۔۔ شہمے درورہ۔۔۔۔۔ انسان  
 وتی کردہ گوں گیج ایت۔۔۔۔۔ ہر سفر منزلیہ سر بہ بیت لازم نہ  
 انت بلئے ہر منزل اے سفرہ بھرے جوڑ بیت - زندگی اے ہبرہ  
 مانزمان وت انت - بنی آدمہ گواہی ”ہو“ یا ”انّا“ ہر دروشمہ  
 ریکارڈ بیت -

مناں چو زندگی عاقبت زدیں موسم  
 بہارہ گوات منا در گزر کنگہ لوٹ ایت

بلئے داں چُنْت روچَء ----، عاقبت وت پہ بنداتےء  
 سرجنانِ انت ----، کبر موسمانی بہ بنت کہ مردمانی، چہ زمینء  
 زکواتء بے حاجت بوت نہ کنت ----، اے گپء داد پہ جوانیء  
 سرپدا نت۔

من شانتلانی زبانء ہر کئنگ لوٹ آں  
 منء سکین بدئے زردء گنگیں آہ منی

داد تچکیں زبانء گوں ہژدري لبزاں شیئر گُش ایت ۔  
 دادء چُشیں شیئر باز کم آنت کہ آہانی تہا ترا گیشیں لبز  
 دست بہ کپ ایت۔ آ ہجر زبانزانتیء شوکء وتی شیئراں پولنگ نہ  
 کنت۔ داد لبزانی کارمرزکننگء ناں بلکیں مارگء مٹوک انت۔ آ یک  
 انچیں شائرے کہ شیئر گُشگ لوٹ ایت ۔ شیئرء وتی تب انت کہ  
 کجام رنگء کئیت ----۔ آئیء نظم ء غزلانی تہاشیرکنیء کساس یک  
 انت۔ دادء کرء شیئرء منصب چہ تہرء مستر انت ----، اے ہاترا  
 من دادء شائرے سرپد باں ۔ نظم گُش یا غزل گُش ئے اناں ۔ ----  
 آ یک انچیں شائرے کہ وتی وهدء رنگاں سرپد انت ۔ موسماں زانت  
 ء موسمانی نیتاں ہم پهم ایت ۔ پمشکا تہناعکسء گُش ایت ----  
 پیشگوئی نہ کنت۔ دادء ہر شیئر اولی رندء وانگء گوں ترا کمیں  
 ہیران کنت ----، بلئے دومی رندء بوان ئے تئی ہمراز جوڑ بیت۔  
 گوں تو وتی دلء توامیں ہالاں کنت۔ دُ رستیں کسہاں کار ایت۔

تا انگتء اے راہ سرانی ہاک زعفران وڑانت  
 ودارء گڈی منزلء سفر نہ یتکہ انگتء

دادء زبان ابید آئیء زیمری سنجء توام نہ بیت ----، آ انچو  
 چہ لبزانکی رپکاں آشنا انت ----، ہمنچو چہ لس مہلوکء درامد  
 ہم نہ انت۔ رُوشنائیں لُٹانی بچکندء وتی رنگے ء مُلوریں دلانی  
 ساچانء وتی کیپے ۔ پمَن ہیرانی ہبر ایش انت کہ دادء شائری انچو  
 سنگین انت ہمنچو شناسا انت۔

گوں سہبء نوداں گلابانی لُٹ پولنگ آنت  
 پہ رنگء عاشقاں موسم گُشے کہ جوان نہ انت

بلوچی نوکیں شائریءِ تہا غزلءِ سرشونءِ گل محمد وفاءِ کرءِ  
 یک نوکیں شہمےءِ شُبین گندگِ بوگءِ آت کہ وفا نگیگیں زند ءِ بے  
 وھدیں مرگءِ آئیءِ را ساکم بوگءِ موہ نہ دات ہما ساچشتی رنگءِ  
 توانائیں بستارے منءِ دادءِ گورءِ گندگءِ کیئت ۔۔۔۔ دادءِ اے سفر  
 ہمنچو کہ دیما رثوت وتی پداں رُشنا تر کنت۔

موتکءِ را نازینکءِ لڑتءِ گون د ُچار کننگ شائریءِ وتی  
 اندری پُشت ءِ پُروشءِ نشانداتِ انت۔۔۔۔۔ مَلوری چو کوھسارےءِ  
 اُشتات ہم کنت ءِ چو جوئےءِ روان ہم بیت۔مردم وتءِ کیپےءِ  
 چاڑےءِ باھوٹ ہم کُت کنت ءِ گون آئیءِ ہمراہ ہم بوت کنت۔  
 بیا بیا کہ ماھکانیءِ پادینک پُشتگِ انت۔

اے ردءِ تہا کارمرز بوتگیں توامیں لبز کہ ہوار کپ انت تہ  
 تہنا یک توارےءِ عکسءِ کش انت ۔۔۔۔۔ باز کسانیں توارے ۔۔۔۔  
 بس یک Syllable یے بیت، بلئے ہمے کسانیں توارے مارشت شیئرے  
 ہم کرز ایت آزمانکے ہم ، ناولے ہم کرز ایت ءِ پینٹنگے ہم۔!  
 داد ءِ منزل دور انت ءِ آئیءِ وتی دل ہمراہ ۔۔۔۔۔ دلءِ گون  
 ہور سفر کننگ باز گرانیں کارے ۔اے دنیا ءِ را وتی روچ ۔۔۔۔۔ ماہ ءِ  
 استال ہم گون انت ءِ چریشاں ابید بنی آدمءِ ہرجاہ وتی لاچارسانی  
 چراگ ہم روک کُتگ انت۔۔۔۔۔ چُنت شمشی انت کہ آھانی کرد  
 ہمے چراگانی ساھگءِ رسیت ءِ دم توس بیت۔ تہاریءِ اندرءِ کہ  
 بیوانکیءِ چولانی توار ہم پھک ءِ یکشل مہ بیت تہ لبز چے ءِ مانا  
 چے ۔۔۔۔۔؟ تہاری ہم جُنزے ، بیوانکی ہم سفرے ۔۔۔۔۔ بلئے شرط  
 ایش انت کہ چڑگہ یے چہ دلءِ بہ رُد ایت ۔۔۔۔۔ شہمے چہ ارواہءِ  
 شپ بہ گیپت۔

پسنى 24,05,2005

( علی جان دادءِ کتاب ” دروھاپ “ ءِ مَنّت )



## سنجاپیں رولہ

بلوچی نوکیں لبزانکِ سفر باز مزن نہ انت۔ ء انگہ مئے ہما  
مردمانی تہا دانگ دانگے پش کپتگ کہ آ اے سفرِ بنداتِ مردم  
انت۔ ء غنی پھوالّ چہ ہما مردماں یگے کہ ما آئیء نوکیں لبزانکِ  
دومی پیڑی گشت کن ایں۔ پھوالّ شمار نہ بنداتی مردمانی تہا  
بیتِ نئیکہ نوکتریں پیڑیِ مردمانی تہا... پھوالّ گوستگیں اٹوگیں  
لبزانتانی نیامِ کڑی یے ہسابِ انت۔ آئیء یک دستے گون ہما  
وہدِ سک انت کہ بلوچی نبشتہ بُنگیج بوتگ ات بزاں عنقا، گل خان  
نصیر، سید، عطا، صدیق آزاد، کریم دشتی، اکبر بارکزئی، ملک طوقی  
ایدگہ نبشتہ کار بوتگ انت، ء دومی دست یے گون بلوچی نوکتریں  
نبشتہ کاراں پتاتگ۔ آ ہما چندے مردمانی تہا انت کہ آ اے دوئیں  
دَورانی شاہد انت۔

پھوالّ چہ بُنیادِ گون لبزانکِ گون انت، آئیء  
Contribution تہا آزمانک، نگد، پٹّ پول، راجمانی نبشتانکِ  
شائری دُرس ہوار انت۔ آئیء وتا ہمنچو جاگہاں بہر کتگِ منی  
مشکل ود ینتگ انت کہ من آئیء یک گوناپے بدیاں۔  
پھوالّ وہدے منا ہال دات کہ من وتی شیئرانی کتابِ  
چھاپ کناں تہ من سک گل بوتان... بلئے وہدے گشت یے کہ ترا  
ایشیء سرّ چیزے نبشتہ کنگی انت... گڑا من جنجالِ کپتاں۔ پرچا  
کہ منی پھوالّ سنگتی ہما ہداں سر انت کہ ما دوئیں یگے دومیء  
بابتِ گون لبزانکی ایمانداریء نبشتہ کنگِ Position ء نہ ایں۔  
بلئے پھوالّ زوراکیں مہروانے...

”سنجاپیں رولہ“ پھوالّ شیئرانی اولی کتاب انت۔ ء باید انت چہ  
مرچیء بیست سال پیسر چھاپ بوتیں۔ بلئے پھوالّ بورت کاریء باز  
وہد زُرت۔ ء دگہ ہبرے ایش کہ اے کتاب تہا گیشتر شیئر اٹوگیں

وہدے شیئر آنت، من حیراناں کہ پہوالے بنداتی زمانگے شیئر گج آنتے  
 کتابے پرچا مان نہ آنت...  
 اے کتابے تہا ہر شیئرے، آ لچہ یے بہ بیت یا دستونکے... گلیں  
 شیئرانی سرے بلوچی کلاسیکے ڈکشن چو پیرنگیں گشانے آتالان آنت۔  
 اے باز جاگہ اے گشانے جلوہ پہوالے شیئر چہ پہوالے پچ گپتگ  
 آنت۔ چہ کلاسیک ڈکشن سپرے و کس نہ رک آتگ۔ بلے ہر د ورے  
 لبزانک وتی زیبائی کیلواں گوں وت کارایتے ہر شائے لبزانت وتی  
 اہدے بُتے گوں وتی رنگاں سینگارایت۔ بلے پہوالے گوں بلوچی  
 کلاسیکے انچو عشق آنت کہ آئی ایشیے زیبائی پہ دزنگے دل نہ  
 بوتگ... بس آئی پیشانی سیاییں ٹگے جتگ ئے کہ چم ئے مہ  
 گرانت۔

11-05-2013، پسنی

غنی پہوالے کتاب ”سنجاییں رولہ“ مئے منتے

ما گنوخیں کہ ڈیہمہ راہِ اشتہ

برائیں بُزدار!

دُرُوت ! راستی ایشِ انت کہ من چہ بنداتِ تئی وامدار آں۔  
تئی لچمہ ہر وھدہ منی دماگہ تہا زیمہ ہورکیں ہند پُر کُنگ  
آنت۔ ءِ اُنوں کہ گوں تو دو ہبرہ موہ رستگ نوں بوت کنت ہمہ  
وامداری مارشت کمیں بہ ترہ ایت ۔

دُگالِ بالاد تاں اے ہدہ رستگ کہ برے برے من پگر کناں  
کہ مارا وتی لبزانکی ءِ پگری چیدگ رنگ کنگ کپ آنت ۔ بلئے چے  
کُت کناں ۔۔۔۔؟ منی بستار بس ہمیشِ انت کہ شریں شیئرے  
دیوانگے آں ۔۔۔۔لبز، ہیال ءِ مارشتِ ہمرنگی گنوکے آں۔ ءِ  
دیوانگاں کدی رہند ٹہپنتگ ۔۔۔؟ غلامانی دود دانکہ زندگ آنت  
درآمدیں رہندانی سنگِ چیرا موتک کار آنت ءِ ہمہ موتکِ زیمہ  
آنت کہ منی ءِ تئی زبان آنت۔ اے تئی کمال ءِ منی نگہتی انت کہ  
تئی وانگہ رند من مہترین چگھاء شوہازہ درکپگ لوٹاں۔

تورگی و ہبرے ۔۔۔۔بلے راستی ہمیشِ انت کہ کہ بلوچی  
لبزانکِ تہانگدہ کمیء مئے چیدگ آچ ما اندیم کُنگ آنت ۔ بلئے  
زمانگِ یک سکیں شیواریں دابے ایشِ انت کہ ہر آھد وتی سوار ءِ  
پیادگاں وت نشان کنت۔ چاگرد کہ منی ءِ تئی ہنکین آنت ایشی  
لبزانتانہ وتی آپ ءِ توشگ وت زورگ کپ آنت۔ چوشیں کسے نہ  
گواہ ایت کہ پہ ابیتکیں تہنائیاں دردے کلوه بکنت ، رازے بہ پریچ  
ایت ، دردے بہ بوج ایت ۔۔۔۔۔۔ بلئے تہاری ہمنچو بز تر بیت چم  
ہمنچو گیشتر پھریزگ کپ آنت، شپ ہما ہدہ دُراج بیت یا باند انت  
وابانی امبار ہما ہدہ مزن بہ بیت ۔ چہ بدیں بٹاکاں سنگینیں  
موتکے شر تر انت ، بلئے کئے بہ دُس ایت ۔۔۔؟ کئے ہبر بکنت ۔  
لبزانکِ بابتہ سلامتیں ہبرے دیما آرگہ ہاترا ہما رُژن ءِ ہما میئم

کہ لازمِ انت ، آئی شہاز ما دیرِ انت کہ یلہ داتگ - اے راہِ مئے  
وت ساجیں لیکہ ءُ گُزرائی ہمنچو کاروان ہر روچ گُوازنِ انت کہ  
مُجِ کوہِ بے رُستگ ءُ ہچ درا نہ کنت  
یارِ بالاد اُسارتوں روش شف

نام سینگار توں میڑواں جُلگہاں  
آندیں کیفِ خماراں شہ پذ کفتخان  
دیتوں وت بیتخان یار چنکر کساں

لبزانک یک سگیں نازرکیں چیزے۔ لبزانکی درانگازی لچہءِ  
دُروشمء بہ بیت یا رَمء ---ہمنچونا زُرکیء کہ گُوشگ بیت ، گوں  
ہمنچو شیواریء پَرچگ ہم لوٹ ایت -

نوں بچار۔۔۔! تو وتی یک پر بندے دیما کن۔ آئیء تہا  
لہتیں چیز اَلَم بنت بزاں کہ ہست ءُ روانیں زندگی ءُ آئیء سیالداری ،  
مرچگیں چاگرد گوں وتی توامیں رنگ ءُ رپکاں ، زبان ، ہیال ،  
مارشت ، روچہ نادزرسى ، شپءِ واب، گُوستگ ءُ اندیمیں روچانی رُژنا  
ءُ سہرائیں ٹپ ءُ بانداتِ بشارت - اے کُل کہ ہوار بنت نوں یک  
گوناپےء دیما کاینت ءُ تئی پر بند سرجم بیت۔ نوں ایشانی نہاد  
بندوکء را ہم ہمنچو گُواس بُوگ لوٹ ایت کہ آہمے یکیں شکلءِ  
تہا دُرستیں جتا جتائیں ہوردگاں در بہ گیج ایت ءُ آہانی نہادے بہ  
جنت - اگاں ناں گُڑا واد ءُ شکر ہمسنگ بنت ءُ تیوگیں راجےء علمی  
ءُ پگری چیدگ اندیم بنت ءُ لبزانک وتی قبلہء گار کنت۔

بُزدار! ہر زبانء وتی شیرکنی یے - ہر نوکیں دُورے شائر ءُ  
لبزانت وتی گُوہنیں مڈیء شہازے درکپ آنت - ہر زمانگء لہتیں  
شائر ءُ لبزانت اَلما بنت کہ وتی تْنء چہ کلاسیک لبزانکء موجودیں  
بُنزہاں آپ کن آنت۔ اے چہ وتی دُورے لبزانکء جتا بوگء ارزاں  
تریں جُہدے کہ ہر زبانء تہا بوتگ ءُ پیداکِ انت۔ بلئے چوشیں  
شائر ءُ لبزانت کم ودی بنت کہ وتی زبانء شیرکنیء گوں ہستیں  
باریگء تبء ، ءُ گوں زمانگء ربند سازیں رنگاں ہمے پیم ہوار گیج  
آنت کہ وتی جتائیں بَستارے گیشیں آنت۔ ءُ تئی شیئر تہا اے

صفت من باز دیستگ۔ ترا وتی اے داب پھریزگ کپ ایت ۔ پہ وتا،  
 پہ منا، پہ بڑگیں بلوچیء  
 آ مرد کہ شیئراں گُشت  
 وت موہری داوا گر آنت

اے شیئر داں روچ مروچی چاگردی رنگء چارگ بوتگ۔ اگاں  
 ما اے شیئر ایشیء لبزانکی ء نگدی بزانتاں ( کہ ایشانی تہا چاگرد  
 وت ہم ہوارِ انت) مانا بُکتیں تہ مرچی شیئر مئے چم دیستء ابید  
 گوں مئے کردء ہم گہتریں وڑےء دُچار کپتگ آت۔ شریں شیئر دو  
 سبباں چہ چاگردی زندء درآمد بیت۔ یگے اے ہاترا کہ چاگردء تہا  
 ہنچو سکت مہ بیت کہ شیئرء نزوکء برئوت ء دومی چاگردی گُزرائی  
 حصارء ہنچو بُرز بکنت کہ دُرچک گواتِ دعاء بلوٹ آنت بدبہتیء  
 مئے کرء دوئیں سبب آست آنت۔ پمے ہاترا شیئر ء لبزانک چورہ آنت  
 ء چورہء ساٹگ ء تیمارگء گیشتر حاجت بیت۔ اے پیمیں جاوراں  
 منی سلاہ گوں تو ہمیش انت کہ پدگوانکء امیتء مدار۔ زیبائی  
 زندگیء مستریں نوان انت۔ آ ترا مشکول ہم کنت ء تُربین ایت ہم۔  
 بلوچی شائریء تہا اے پیمیں درور باز انت کہ ہمے درآمدیں  
 چاگردء دلء تہا وتی عکسء جوڑین آنت، ہمایانی تہا شہم کن آنت۔  
 اے ہما شیئر انت کہ چہ چم دیستء سیمسراں ہما دیم بنت ء  
 گوں بنی آدمء مادی ء روحانی کردء ہمکوپگ بنت۔

اچ لطیفانی پلوء کائے

جی سمین بے پولء بہشتی ئے

(جام)

اے مُرگ کہ شپاں نیم بال آنت

بالاچء کمانء تیر آنت

(بالاچ)

نئے پہ دوستاں سیٹ ء نہ پہ دُژمنان تاوان

چہ تلاہیں برچانکۂ پُرشتگیں سگاراں من

(سید)

درور دگہ ہم باز آست ، بلئے اے بس تئی مزنیں شائریؔ تہا دز  
کپت کن آنت۔ برے برے تو ہم ہمے پیمۂ تُران کن ئے۔ بیا ترا تئی  
یکؔ ء دو بند ایش کنائیناں۔  
کونجاں دے ذی بیرہ گتہ  
دات ایش جیذاں ولّے  
اربت کتوسر گپتخت  
شاغیں سوادى رہنغے  
روشے بیا مئے گندغا

یا اے بندۂ سئیل کن

بیا ترا لالیں وطنؔ وڑ دیاں شارے اُمل  
بیا ترا ماتیں زبانؔ مونج سوگاتۂ دیاں  
بیا وتی دستانی لانبان بند سُھریں بیرکاں  
بیا ترا مہرۂ یہ نوکیں چلّھے دستۂ دیاں  
دگہ چار رد انگت گوشدار۔۔۔۔۔

زیند بارے توئے

زیند بارے منان

عشق سربار مئے

گند روشے نواں نیمراہ یے درہ یے

بچارے شیئرۂ زیبائیؔ تہا ہمنچو واک ہست کہ وتی  
چاگردۂ رگاں ہوار بہ کپ ایت - درآمد نہ زمین ایت، نہ آزمان، نہ  
کئور آنت، نہ کوہ ، نہ گوات آنت، نہ موسم ، بس دنزے کہ درآمد  
ایت، مَجے کہ مہمان ایت۔

چمّاں آباد تئی دو جہان ایت بلے

یکؔ وہمۂ جہان

یکؔ رنگۂ وطن

یگے مہگونگیں یار دیمِ انتِ گُشت

دومی دل تئی زریں

زر کےءِ سودسہ

مئے غمءِ وزتِ شہر نیراں شلیت

بزدار! منا بس گوں تو چندے ہبر کنگی آت۔ ما اینچود ُور نہ این  
کہ تئی درد منا سما مہ دنت ءُ منی توار تئی گوشاں مہ کپ ایت۔  
وتی زمین ءُ زمانگِ بار زوروکانی ہاترا تُران مستریں آسراتی  
انت۔ گپ کنگ لوٹ آنت۔ درد نامینگ کپ آنت۔ کئے وتی جامگِ  
تہا چنکس ٹپ چیر دنت جیڑہ یے نہ انت۔ مہلوکِ ہر کشک  
مجینتگ ، ہر راہ پولنگ کتگ بلئے لبزانک وتی ہاتراچیزے نہ  
چیزے پش گیج ایت۔ مئے ارواہ مئے زمینِ ابید ہچے نہ انت۔  
پمشکا ہما سہتاں کہ تئی ارواہ ہبر کنت ۔ منا منی زمینِ وشبو  
ہنوش کنت۔ بچار ہمے کونجاں کہ ذی بیرہ کتگ آت۔ مرچی پدا  
واتر اتگ آنت۔ ایشانِ زمینِ مہر کسء نہ وائیتگ ، بلئے اے سفر  
نہ اُوشٹ ایت، پرے ہاترا کہ درد مُرت نہ کنت۔ گُڑا باید انت کہ  
مئے غم اوں ہنکین مہ کنت۔ شہمے، لہڑے ، عکسے ، دُروشمے  
ہرچی کہ تئی گور ااتک وتی زیمہر بہرہ ہوار گیج۔

ما باز زورا وریں زمینے پساندگیں ، زمین گوں ما گلگِ  
پیٹم نہ بیت ءُ اگاں ما ایشیء حق ادا گت گُڑا کجا روئیں ؟ کئی گُٹِ  
سرء ایر کن این ؟ پمشکا رُژنا تریں راہ مہرئیگ انت۔ زمانگ گوں  
چمانی کدہاں ہم کیاس بیت ءُ گوں پادانی شہارہ ہم۔ بلئے زمین  
وتی امبازہ دلے لوٹ ایت، ارواہ یے چار ایت۔ ہمے ہاترا مہر تئی  
انت ، درد تئی آنت ءُ مہر ہم تئی انت ۔ ہر کشک تئی کشک انت ءُ  
منزل ہم۔ ادا یک شیئرے منا گیر آہگِ انت۔

یار زوراوَرِ درِ سجدہ

مئے نہ رسم انت نہ دود کوہانی

ما گنوخیں کہ ڈیہہءِ راہِ اشتہ

اگاں اے شیئر تہنا اولی دوئیں رد بوتیناں منا باور نہ بوتگ آت کہ  
تئی انت بلے سیمی ردے اے شیئر تئی کتگ۔ پرچا کہ تئی دردے  
درشانیء راہ ہمیش انت۔ تو ہر جاگہ بروئے وتی واتری کشکے نہ  
شموش ئے۔

منی ہیالے اے بدی یے نہ بیت اگاں من بگشاں کہ گوں  
وتا نیکی کنگ ہم مزنیں توکل ء توفیقے لوٹ ایت۔ پمشکہ ہر  
وہدے کہ موہ رسیت گوں وتا نیکی بکن پرچا کہ ما تئی وتی ایں۔  
بوت کنت ایشانی مڑے بگندیں ۔ ما ہر کجا برو ایں مئے چم وتی  
ہاکے تہا پچ بنت۔ گوں وتا سفر کنگ لاچاری یے ء اچ وتا سفر  
کنگے قربانیء رند مردم مردم پشت نہ کپ ایت۔ بنی آدم وتی اولی  
روچے ہم اینچو نابود نہ بوتگ کہ مقصدے یل بدنت ء وتا بہ پپریر  
ایت۔ چیا کہ زندگی بس وابانی درگاہے سرجہل کنت ء چمانی اگدہ  
دگہ چی انت؟  
پدا تئی ازمے چم رڑنا انت۔

سلامت بات ئے

ء

تئی زبان سلامت بات

26/01/2007 ،پسنى

( اللہ بکش بڑدارے کتاب ”ہمے عشق لکھیں“ ء منتے )



## عشقِ حدیث

”عشقِ حدیث“ عید محمد عیدِ شیئانی اولی کتابِ انت  
- چد ء پیش عیدِ چیزے شیئر جتا، جتا منی دیما گوستگ آت انت -  
بلئے هواریں صورتِ عیدِ شیئر اولی رندء شرف شادء پہ پیشگالِ  
نبشته پمن دیم دات انت۔

عید محمد عید پہ وتی درانگازیء گیشتر غزلء چکاس ایت ء  
آئیء غزلء سرا سادگیء هما ساهیل برجاه انت کہ کمیں دیمترء بہ  
کنزایت تغزلء لوٹاں پیلہ کنت - چوکہ  
اے و درمانے نہ انت سوچگی  
تو فقیرانی دستِ عصاء برئے

بلے اے رنگیں شیئراں ابید عیدِ غزلء تہاچیزے نزوری ہم  
ہست انت، کہ اے چہ ریاضت ء کتہ کاریء دُور بوت کن انت۔  
پمشکا من چہ عیدِ غزلء بانداتء یا چہ عیدِ بانداتء غزلء اوست  
مند آن۔ بلئے چہ غزلء ابید عیدِ نظم ہم گشتگ۔ چیزے ردانکی  
لچہ اوں آئیء پر بستگ۔ ردانکی لچہ کہ انگت وت نوکیں چیزے ء  
بلوچی لبزانکء تہا انگت اے تہرء پہ وت چُشین رنگے نہ نامینتگ۔  
بوت کنت عیدِ ردانکی لچہ پہ اے تہرء دُروشم سازیء کردے  
واهند بہ بیت۔ بلئے من پہ اے چاریں دانکانی نبشته کنگء ہاترا  
عیدِ یک نظمے ”سنٹ“ وتی دیما ایر گتگ۔ اے نظم چو بندات  
بیت کہ

”ہزار درد منی واہشانی اندیمء“

بنی آدمِ مستریں سوب مندی ایش انت کہ آئیء گلگانی  
کوار ہجر ہورک نہ بوتگ۔ ء برے برے توہم چنڈگ بوتگ۔ اگاں  
ناں ساهگانء پہ زندگ بُوگء ہم نیمونےء ہاجت بیت۔ دانکہ چو  
مہ بیت گڑا سفرء کسئہ وتی کارستاں چہ گُجا پول ایت -  
ابیتکی چو غمِ زیمران گوں لئیبء انت

سنگ چہ قرناں ہنّیانی محرم آنت۔ دیدگانی شپادی گوں  
 رنگانی باطنء بہ بیت تہ چاگردہ زندہ مانا دو شاہ جنت ء گوں روچہ  
 سفرہ یگے دومیء نوانء ہم کثیت۔ پرچا کہ جمہری ساچان چہ  
 مدامء درامد آنت ء درامدیء بے حاجتی وتی مٹ وت آنت۔  
 سنگ ہم ترانء کالبے ء پُل ہم۔ بلئے ہما رنگ کہ آئیء  
 نژیکی گوں مارگاں گیشتر آنت مدام دیدگانی ہپوگ جوڑ بنت۔  
 تہنائیء نندگ ء مَرگانی بال دئیگ بہ گندئے سر ظاہرہ سیّت مندیں  
 روزگارے مہ بیت بلئے زندمان پہ مشکولی نہ بیت۔

عمر بیت واہگء ہدا مرزی

زند بے نام ء بے نشانء رثوت

مئے چاگرد چو ہما لثیبیء پیما آنت کہ وتی اولی لثیبء اُمیتء  
 کلمانٹ آنت ء ہر روچ لثیب جاہء یک ویرانیں گنجےء نند ایت ء  
 لثیبیانی تہاوتی درگیجگء بے سوب بیت ء ہر شپ وابع چہ پیش  
 آئیء را وتی بے سوبی پہ ہزار نیمون سہڑینگ کپ ایت۔ برے  
 کسّہ یےء کُٹء، برے شیئرےء سرزاناں، برے عکسےء دیدگاں ء  
 برے رنگےء امبازاں، ء وھدے سہبء کہ پاد کثیت تہ زندہ مانا  
 دوئیں شاہ وت ماں وت اڑ آنت ء جیڑگانی شہ دگ چو تہنائیء  
 شیشگء پلگار بیت دَ نزے، لیگارے، داگے تہ المی آنت۔  
 ہستیء شونداں تاکدبے برمش بہ بیت ء توار۔۔۔۔۔ پدا جیڑہ ہما  
 آنت۔ ہما گم آنت، مَرگے بہ نال ایت کہ رنگے بہ چمیت، موتکے  
 بہ بیت کہ نازینکے وتی مانا لوٹ ایت۔ وتی ہستیء جُستء  
 کنت۔ ء پچار ہما پیر مردء کپتگیں عصاء آنت کہ لرزوکیں دستانی  
 نزوریء ببا داتگ۔ پُل ہیران آنت کہ عطرہ شیشگ پرچا وشیں بو  
 کنت۔ بُلبل سرورزء تارانی سر ا واب کپ ایت۔ ء پیر مردء  
 ہمساهگے چنت ء لوگء بارت۔ سیاد ء وارث شوہازے بزیں شہرے  
 تنکیں دمکانی تہا پادانی تراولاں رہن کن آنت۔ دزلٹء شرپ نوں  
 ہارے کہ بہ مَل ایت یا آسے کہ بہ کپ ایت۔

”ہزار درد منی واہشانی اندیمء“

پہ مونسے کئے پش کپتگ؟ بنی آدم کہ تہنا انت ، تہنائی  
جیڑہ یے ، وھدے وتا بہر کنت گڑا ہر بہر جُست کنت ء کس پَسو  
نہ دنت۔ آسر پدانٹ ہما کہ ہر بہر چہ دومیء سر سدایت - پیسرا  
ہما ایوکی کہ یگے نصیبء آت ، ہزار کسپہانی نصیباں مانپوش ایت،  
ء دانکہ بنی آدم ہست انت اے جیڑہ برجاہ انت۔ ء دانکہ اے  
جیڑہ انت تخلیق چمگ آپ کار ایت۔

”سنٹ“ انچیں نظمے کہ ایشیء کارست یگیں وجودے  
جتائیں بہر انت پہ یک پَسہ یے آسراتیء ہزار جُست کنٹگ بیت۔  
شائر وتی جندء بہر کنت ء ہر بہرء آجو یل دنت۔ ہر بہرء جُست ء  
پَسہ کس نہ دنت۔ ء منا اے نظمء ہمے چیز سک باز دوست بیت۔  
چمدء من وتی نبشتانکء گونڈگراں ء اُمیت کناں کہ عیدء  
اے کتابء شنگ بوئگ پرائیء دیمتری شائریء نیکیں پالے بیتء  
آئیء آیوکیں شائری گیش پھتہ ء گشاد تر بیت۔ منی واہگ انت کہ  
عیدء اے کتابء گوں درآمدیں دیدگاں بچار ایت ء چریشیء شری ء  
نزوری ہر دُکاں دربرنگء جُہدء بہ کنت۔

04/07/2002، پسنی

( عید محمد عیدء کتاب ”عشقء حدیث“ ء مَنّتء )

ماں دیدگاں مئے تْنِءِ ندارہ سفر نہ کنت

میر عمر میر آچ وتا گسر بُوگِءِ پد گوں من دپ کپتگ۔ کم  
 ءِ گیش بیست سالِءِ ہبر بیت کہ من ءِ مبارک قاضی ہوٹلےءِ نشتگ  
 اتیں۔ یک بچکے آتک، قاضیءِ را شیئرے دات ءِ ءِ پُشت ءِے ماں  
 دات۔ قاضیءِ شیئر چارات ءِ منا دات ”منیر اے شیئرے بچار“ من  
 زُرت چاراں داں اُردو غزلے آت ءِ آئیءِ سرا میر عمر میر نبشتہ آت۔  
 اے اولی رند آت کہ من میر عمر میر دیستگ آت۔ ءِ چرا روچہ پد  
 میر ہر روچ منی کرا اتکگ ءِ من دیستگ کہ روچ پہ روچ آئیءِ  
 شوہازے مَج بُرز تر بوانِ انت۔ شائر ءِ لبزانت چے پیمیں مردم آنت؟  
 گوں لس مہلوک ءِ اشانی مستریں تپاوت ہمیش انت کہ اشانی چم  
 چیزانی رنگاں مٹ کن آنت۔ یگیں چیز اشانی دیما وتی یگیں رنگ ءِ  
 دائم برجاہ نہ دار ایت۔ ہر شائر ءِ لبزانت آچ وتا یک نہ یک روچے  
 لازم گسر بیت۔ لہتیں مردم گسر بُوگِءِ رند لبزانک ءِ تہا کاینت ءِ دگہ  
 چندے مردم پیسرا گسر بنت ءِ رند لبزانک ءِ تہا ایر کپ آنت بلے  
 گسر کپگ الم انت۔ اگاں ناں گُرا آئیءِ چم رنگانی سرا بادشاہی گُت  
 نہ کن آنت۔ میر وتی عمر بنداتی دمکانی تہا گسر بوتگ۔ پمیشکا  
 میرے شیئر چہ اش کنگ ءِ پیش پهمگ بنت۔ میرے لبزاں چہ پیسر آئیءِ  
 نیت ءِ توار مردم ءِ گوشاں کپ ایت۔  
 بہ جُنزاں گامے منا نیئلیت زاناں شہر تئی  
 گُجاں نگاہ ءِ درا ایر تْنِءِ بہر تئی

منی زہیر دریگ ءِ نصیب ءِ کبل دپ ءِ  
 ترا گُتگ وتی بچکندگاں زہیر تئی  
 میر گوں وتا باز ایمانداریں مردمے، چو دُرچک ءِ ہما تاک ءِ  
 کہ گوں گوات ءِ۔  
 ما کُوہن کپتگیں گوں اے بنی آدم ءِ مہ چار

دنیا پہ یک دمانے مئے ہم بہ بیت بے انت

یا

ہر کسی اے وس نہ انت کہ آزمانہ دز بہ جنت

پمنہ گنج انت زمینہ من وتی سر بیتگان

پرشتگیں کدہ سر بے حاجتیں دریا پادانی سرا ایر انت۔  
دریا پہ بے انانی میزان میزان پُشتہ کنزان انت۔ چد ء پیش کہ  
بیگاہ وتی آبریشمین ڈبہ کوپگہ بہ کنتہ توارانی بہا ء سیمہ  
بئیت۔ دریا وتی دامنہ پولنگاں کدہ لُٹانی سرا نقش کنت۔ دلہ  
تراول ارساں گبارین انت ء لُٹانی آبلہ توارہ کدہ یے بیت کہ گمبہ  
هورکیہ گم ئے نصیب انت۔ اگاں هورک انت گڑا پُر کنگہ جنجال  
زندگیہ گم جوڑ بیت۔ بلئے اگاں بہ پُرش ایت گڑا بیگاہ ڈبہ  
آبریشمین اوتاگے سدایت ء توارانی دُرسیں مُرگ بال کن انت۔ نوں  
تُنہ میارکئے لڈگ بہ بیت کدہ پرشتگیں ٹُکراں یا دریاہ واتراتگیں  
گاماں

چمانی راہ چار ایت بلئے گار انت انگت ء

دردے کہ مدتے ماں بالادہ راہی انت

میر باز بے اعتباریں مردمے، وتی زمانگہ سرا اُوست ئے نہ  
بیت۔ داں روچ ء مرجی پہ وتی شادہ ء گماں امبارئے جوڑ نہ کتگ۔  
هرچی کہ رستگ ئے همراه انت ئے۔ من هیران آن کہ آئیہ وتی بڈ  
اینچو گران پرچا گُتگ۔ اگاں ساہتے دم ئے بالاکنگی بہ بیت۔ گڑا  
پیسرا ہمے بارہ ساہگہ ایر کنت۔ پدا من چاراں داں وتا جاگہ ئے  
نیست۔ چوک انت بلئے پمے اُمیتہ کہ گڈ سرا گوں وتی روتگان  
هوار کپ ایت۔

میر من بہہ وتی هیدانی سپاہ کنگہ نہ دیستگ کہ نباء  
هیدانی بیرنگیہ تہاھونہ سہری اوں پدّر بہ بیت۔ میر زمانگہ انچو  
دوست دار ایت کہ ساہ ئے در بئیت، تو یک زہگے را کسانیں  
جنگلے یا کُلی یے بدی ئے، چون ئے دار ایت؟ دستہ سُسْت بہ  
کنت مُرگ بال کنت، اگاں مہرے بہ کنت مُرگہ ساہ بال کنت۔ من

کہ میرے ہورت ہورت چار اں منا زندگیء سرا بزگ بیت۔ مردم چم  
 ء دلء نیامء یک کشکے هست کہ میرے آ کشک بند گنگ۔ میرے درد  
 ارسء دروشمء نیا انت بلکیں گبارء وڑا چہ بچکنداں تالان بنت۔  
 زندگی دانکےء محتاج زبان دوست گج انت  
 اے شپیں آھدء چراغاں کہ غباراں داراں

هر مردم وتی تبء جنگلء تہنا انت۔ اگاں مردمء اصلیں  
 رنگء گندگ لوٹ ئے گڑاگوں آئیء ہما جنگلء د ُچار بہ کپ، پرچا  
 کہ اودء آ انچو ایوک انت کہ آئیء سرا کسئی ساھگ نہ کپ ایت۔  
 اودء ہچ رنگ نہ شنز ایت ۔ من چُشیں بازیں مردمے زاناں کہ آچ وتا  
 لک آتگ انت ۔ وتی روتگانی نہال کننگء جُہدء چہ زمینء سستگ  
 انت۔ بلئے میرے من گنداں هر سہت دزگٹ انت۔

هر مردم وتی جنگلء چنگ ء نزارگ ء سبزینگء مشکول  
 انت۔ میرے ہما وھدء باز ایٹک بیت کہ آئیء چاگرد بہ کن ئے ، تو  
 سماء کن ئے کہ آ دائم چک ء پدا انت۔ انچو مردمے دم پہ سہت  
 کسے پُشتء توار بہ کنت۔

شیرکینیں گلہانی جویے تچان انت ، باز مردمء دیستگ ، بازء  
 تام چشتگ بلئے میرے اے جوئے تہا وتی تَن ہوار گیتکگ۔ میرے گلہ  
 گوں زندء ہمگام انت ، روان انت۔ میرے وتی زنگاں نہ شود ایت ء سپا  
 نہ کنت بلکیں چہ آپء جوڑ ایش کنت۔ ء آپء رپتارء تہا یکشلی ہم  
 هست ء نازرکی ہم، گشادی ہم هست ء زیمر ہم، میرے شائریء  
 تہا ہیال ، مارشت ، زیمرجتائیں چیزنہ انت۔ میرے پہ شیئرء چہ دُنء  
 نہ لبز شوہاز کنت ء نہ زیمر اے د ُرستیں چیزاں آ چہ شیئرء تہا  
 درگیچ ایت ۔ آ یک انچیں عکس کارے کہ آئیء رنگ تیز انت ء بُرشء  
 جاگہء وتی لنککاں کارمرز کنت ء چہ کینوسء پیش عکسء وتی  
 دیمء سرا جوڑ کنت ۔ نوں انچیں جاورے ٹہہ اتگ کہ عکس ء  
 عکسکار یک پیم انت۔ عکسکارء درگیچ ئے عکس گسر بیت، عکسء  
 شوہاز ئے تہ عکسکار وتا چیر دنت۔

تاں اے ہدّے نبشتہ کننگّے پد من ہیراناں کہ من تنیگہ  
 میرّے شائریءِ بابتّے ہچ نہ گشتگ۔ بلّے راستیں ہیر ایشِ انت کہ  
 چہ میرّے جندّے جتا آئیءِ شائریءِ بابتّے اگاں تو چیزے گوشگ ہم بہ  
 لوٹّے گشت نہ کنّے۔ میرّے ہر نوکیں شیئر من کہ ایش گتگ منی  
 چماں میرّے پیشانیءِ کشکانی تہا یکے گیش بیتگ۔ میرّے وتی شائریءِ  
 ہچہر چو گدّے وڑا گورّے نہ کنت، نہ چو سواسّے مٹّے نہ کنت۔ میرّے  
 انچو شائری کنت انچو کہ ساہ کشّ ایت، انچو کہ ورگ وارت، انچو  
 کہ راہ رتوت۔ نوں اے پیمیں جاورانی تہا مردم چے گشت کنت۔  
 نازبوانی ایر گواتّے نپس گشگّے ارمانّے مردم پاہوے ہم دراتکگ انت  
 ءِ شائری ہم پرماگ انت۔ میرّے ذاتّے ہر دمک مئے چاگردّے  
 دروازگے دپّے گتّے ایت۔ پمشکا میرّے ہمراہ داری شیرکنیں اجکپی  
 یے و بوت کنت بلّے تہلیں تکانسری یے ودی نہ کنت۔

پسنى 02/08/2003

(میر عمر میرّے کتاب ”پلے گواتّے اندیم انت“ ءِ مئتّے )

## ماہ پھمیانِ انت

گوں سید شیرجانؔ منی پجاروکی باز کُوهنِ انت - ما مدام  
کہ دُچار کپت ایں گُڑا اِد ءُ اودءِ ہبر بوت اَنت۔ برے برے لبزانک  
ہم جیڑگ بوت بلے گیشتر سیاسی ءُ چاگردی جیڑہانی سرا گپ  
بوتگ اَت۔

اچ وتی بیرانیؔ پنچ ، شش ماہ پیسر فون ئے کُتگ کہ ”اگاں  
گسی نئے گُڑا من وتی لائبریریؔ نشتگاں ، تہنا آں ، بیا ہبر ءُ ہال کن  
ایں -----“ من شُتاں ----- گُڑا اے روچی آئیؔ گیشتر لبزانک ،  
شیئر ءُ کتابانی بابتؔ ہبر گُت۔ من دیست کہ آ دمہرتگ اَت ، ءُ لوٹ  
اَت ئے کہ وتی کُوهنیں ہنکینؔ واتر بہ بیت - آ کَمیں ساسارگ  
لوٹگ ءُ اَت۔ گوں من جیڑا اَت کہ چے کُننگ بہ بیت؟ من پُرس اَت کہ  
” واجہ تئی دیمترؔ پروگرام چی اَنت؟ ذراجیں بے تواری یےؔ پد  
گُشت ئے ” نزاں ----- جاورال ہمے پیئم اَنت کہ ہچ زانگ نہ  
بیت۔ اے کِشک سِتکاں ٹپی کنت“۔ ءُ پدا ہبر ئے پہ بلوچی لبزانک  
ءُ شیئرؔ تاب دات۔

اے کتابؔ چن ءُ لانچ چیزے ماہ پیسر بندات بوتگ اَت۔ ءُ  
اگاں سید شیر جانؔ کَمیں روچ انگت زندگ منتیں تہ اے کتاب دو



ماہء پیش شُمے دیما بوتگ آت بلے آئیء اناگتیں مرکء اے کار پہ  
کمیں وھدء مہتل بوت۔

سید شیر جان یک زمانگے لبزانکء مردم بوتگ۔ بلے پدا  
سیاسی چست ء ایراں انچو مانگیش اِتگ کہ لبزانک ئے دلگوش دات  
نہ گت۔ --- بلے آئیء مستریں سپت ایش آت کہ چہ لبزانکء بے  
تُرانگ نہ آت۔ چہ سیاسی ء چاگردی گر ء داراں کمیں کہ موہ ئے  
رستگ آت گُڑا لبزانکی سنگت ئے شوہاز گت آنت۔ گوستگیں کابینہء  
وتی وزیرىء گُڈسرى زمانگء آ یک رندے پدا گوں لبزانکء سک  
نژوک بوت۔ مدام کہ گوں من دپ کپت گُڑا لبزانک ء لبزانکی سُر ء  
پُرانی بابتء تُران ئے گت۔ ء ھمے وھداں آئیء وتی کتابء چھاپ  
کننگء واھش ھم درشان کُنگ۔ گُڑا من گُشت کہ اگاں چیزے  
ھست اِنْت تہ باید اِنْت کہ کتابی دروشمء ریکارڈ کنگ بہ بنت ء  
چمدا آئیء وتی گار ء بیگواھیں شیئرانی پد جننگ بنا گت۔ ھر شیئر  
ے کہ آئیء را رَس اِت ، منا دیان اِش گت آنت۔ بلے پَمَن وشیء  
ھیر ایش آت کہ ھمنچو گاریں شیئردراتک ھمنچو آئیء نوکیں شیئرمن  
رَسگء آت آنت۔ آ مزنیں مُدتےء رند پدا کشکء کپتگ آت ء اے  
کتاب کہ انوں شُمے دستء انت ایشیء تہاگیشتر شیئر نوکین آنت۔  
گُوھنیں شیئر چیزے دست کپتگ ء چیزے دست نہ کپتگ گیشتر  
ھما آنت کہ آئیء یک زمانگے گُشتگ ء بے ھال کتگ آنت۔ ء منء  
آئیء گُوھنیں شائری ء نوکیں شائریء تہامزنیں تپاوتے گندگ آھگء  
آت۔

وھدے شیئر یکجاہ بوت آنت ء ما کراچی ء پہ چھاپ کننگء  
شُت این دانکہ اُودء ھم آئیء دو سہ نوکیں دستونک ء لچہ منا دات  
کہ ایشاں ھم ھوار گیج۔ آ گُلیں شیئر کہ منا چہ شیرجانء رستگ  
آنت ھمیش آنت کہ کتابء تہا ھوار آنت۔

سید شیرجانء زندگی مہلوکء دیما بوتگ آئیء را یک  
چاگردی ء راجمانی کارستےء جہتء ھر کس زانت ء پچہ کار ایت ء  
اصلء ھمے کرد بوتگ کہ آئیء تہ لبزانت ء شائریء چیر ترینتگ۔

بلئے وتی عمرے گڈی روچاں آ پہ لبزانک ءُ شیئرے وائر بوتگ آت۔ چہ  
 چاگردی ءُ راجمانی چست ءُ ایراں دمبرتگ آت، دلجم ءُ ایمنیں  
 ساہگے ءُ شوہازے آت ءُ آئی ءُ واہگ آت کہ لبزانک ءُ دامن ءُ دمے بالا  
 بکنت۔ آئی ءُ لوٹ ات کہ اے کتاب زوت چھاپ کننگ بہ بیت ءُ مئے  
 جُہد ہم ہمیش آت، بلئے ہمے سُہب ءُ کہ من کتاب کمپوزر  
 دست ءُ دات ءُ من انگت ہمود ءُ نشتگان کہ سہتے پد منا آئی  
 بیرانی ءُ ہال سربوت ءُ ما لاچار بوت ایں کہ کتاب ءُ کاراں کمیں مہتل  
 بدارا یں۔ اُمیت انت کہ ہدامرزی ءُ اروہ ءُ وانوک مارا پہل کن انت۔

10.07.2008، پسنی

(سید شیر جان ءُ کتاب ”ماہ پهمیان انت“ ءُ منت ءُ)

### ماہکانِ رندِ پداں

ماہکانِ رندِ پداں مقبولِ انورِ شیئرانیِ اولی کتابِ انت -  
اے کتابِ تہادو بند، چار بند ، نظم ء غزل ہور انت۔۔۔۔۔ من  
مقبولِ دیرِ انت کہ آزمانکارِ جہتِ زاناں۔۔۔۔۔ منا ہجر گمان  
نہ بوتگ کہ آئی پرستگیں شیئر کتابے بوت کن انت۔ بلئے آئی  
آزمانکِ هوریِ شیئر ہم ہمنچو نبشتہ گنگ کہ کتابِ ئے پہ  
چھاپِ جریدگِ انت۔

ہر رسمے کہ لبزانکِ تہا کثیت گڑا آ تہنا رسمے پشت نہ  
کپ ایت ۔۔۔۔۔ لبزانکِ وتی ساچشتی سنجِ ہوارئے گیج ایت ہمے  
ہاترا لبزانکِ تہا رسم کانتِ الم بلئے رسمے صورتِ زندگی نہ  
بنت۔ پیشگالِ نبشتہ ہم لبزانکِ تہا تکگیں رسماں چہ یگے ۔۔۔۔۔  
یک Balance این وڑے پیشگالِ نبشتہ کنگِ مزنیں کمال ء کُجالے  
لوٹ ایت کہ منی پیمیں کم سوادیں مردمے کار نہ انت۔ بلئے  
مقبولِ مہروانیں سنگتے ۔۔۔۔۔ ء مہر ہمنچو زوراکیں چیزے کہ  
مردمِ اچ وتی بستارِ مستریں کار پرمائیت۔ مقبولِ وتی کتاب پہ  
چیزے دانکِ نبشتہ منا دیم داتگ، اے آئی بے کچہیں مہرِ  
دروشمے۔

لبزانکِ چہ وتی درامدیں درداں آژناگ بوگِ مستریں نیموناں  
چہ یگے زانگ بیت - لبزانکِ بہر بوتگیں ہما سٹکگیں شہرِ ندراہ  
یے کہ پرائی نہ شینک سنج بند انت ء نہ دیگے میار بار کنگ  
بیت۔۔۔۔۔ لبزانکِ یا شائرِ مستریں فرض گوں وتی اصلِ دُچار کپگ  
انت ء وتی جوہرِ زگریں دروشمِ تماشا کنگِ مانا انگرے دستِ  
دلِ زیر کنگ ء آئی سہٹڑینگِ جُہدِ انت - شیئر ء لبزانکِ وتی  
چگاس انت ۔۔۔۔۔ وتی دریا۔۔۔۔۔ وتی آس ء وتی ہوشامے - بس  
اصل بوگِ لوٹ ایت - اگاں نا ہر اتکگیں روچ گوں گلیں متاہاں

بانداتِ مَجاں ہوار بیت ء نہ سہبِ بچکند مُلور بیت ء نہ بیگاہِ  
پیشانیءِ گیشیں کرچکے گون کپ ایت ۔

مقبولؔ چہ شائریءِ آزمانکِ نیمگِ انچو شُتگ کہ مہلوکِ  
اے ہر شُمشتگ کہ آئیءِ بندات چہ شیئرِ بوتگ انوں پدا چہ  
آزمانکِ شیئرِ نیمگِ پیداکِ انت۔

شیئر ءِ آزمانک بہ بنت یا لبزانکِ آدگہ تہر اے گلِ درشانی  
تپاوتِ انت۔۔۔۔۔ دُ رستانی بُنزہ یگینِ انت۔ پمشکا مقبولؔ شیئر پر  
بند ایت یا آزمانک نبشتہ بہ کنت۔۔۔۔۔ دوئیں رنگاں مارا دوست  
بیت ۔ جیڑہ بس یگے کہ مردمِ راہِ زیبائیءِ اینچو دلگوش مہ بیت  
کہ منزلِ واہگ گار بہ بیت ۔ راستی بس ہمیشِ انت کہ شائر یا  
لبزانت یایدِ انتِ زندگیءِ دلِ آسِ تہابہ نند ایت ءِ وتی کارِ بہ کنت  
۔ پرچا کہ لبزانک اُگدہ پہ دستِ تاپگِ پیلہ نہ بنت ءِ مقبولؔ اے  
آسِ نزوکِ نندوکیں مردمِ ءِ منا اُمیتِ انت کہ آچرے گنجِ بے  
بہر نہ بیت۔۔۔۔۔ پرچا کہ لبزانکِ وتی لوٹ ءِ ربندِ انت ، وتی راہ  
ءِ چید گِ انت۔ ہر شائر وتی میمِ بستارِ مسافرِ انت۔۔۔۔۔ ہر ادا  
بوتگیں ہر یک زبانے رهن کنت ءِ برے برے تیوگیں چاگردے موک  
ایت۔۔۔۔۔ ہر دانک یک عہدے امباز ایت۔۔۔۔۔ مقبولؔ شیئر نہ  
سنگِ سرِ نبشتہ انت۔۔۔۔۔ ءِ نہ آدینکِ۔۔۔۔۔ مقبولؔ چم ءِ زبانِ  
نیامِ ہر کنت ءِ بس وتی جیڑہ دیمِ آرگِ لوٹ ایت ۔ نظم بہ بیت یا  
غزل آ محکمی ءِ نازرکیِ شوپچِ کپتگ۔ آئیءِ را بس وتی ہر سر  
کنگی انت۔۔۔۔۔ وتی تکانسر نقشینگی انت۔

لالِ بازارِ انت مئے بستار چے

واہگِ دل کشتگاں بازار چے

مقبولؔ اے شیئرِ من ترا ہمنچو مبارکی بدیاں کمِ انت  
۔۔۔۔۔ ءِ من آئندگِ ہم آچ توہمے رنگ ءِ دابِ لوٹِ کناں۔

منی دل باز گُشگِ لوٹ ایت بلئے قلم کہ منی دستِ بیت  
تہ لبزانک وتی توامیں لاچاریاں منی دامنِ بندِ ایت من کہ نبشتہ  
بُنگیچ کناں۔۔۔۔۔ ، منی زبانِ گُلیں جیڑہ منی جیڑہ بنت۔

پرے ہاترا برے برے ترانے زمین نر کثیت ء گمانِ آزمان  
 چہ نگاہِ دزرسے دور بیت۔۔۔۔۔ ء اے وڑیں جاوراں من ترا بس  
 ہمنچو گشاں کہ تو بلوچی نبشتہ کننگے ئے۔۔۔ گڑا تو باز کم  
 نبشتہ گتگ۔ انگت منزل باز دور انت ، انگت ترا باز نبشتہ کننگی  
 انت۔

انچو کہ ساہ سکتکتگ پیرداں پہ وفاءِ مہرلے  
 اچ منی دستے اوں دیر انت مقبول گومازی شتگ  
 ہر کس کہ مہر کنت نیم بیت۔۔۔۔۔ ہر کس کہ درد سگ  
 ایت۔۔۔۔۔ بہر بیت - زمینِ راستی ایش انت کہ داں تو زندگ ئے  
 گوں تو زندگ انت۔۔۔۔۔ تو کہ پردر بئے اُقاریت - گوں تئی درداں  
 بہر بیت ء آئی مہرے تہا ہمنچو توان است کہ ترا نیم کنت۔ زمین  
 اچ تو پُلگ بیت بلئے جتا نہ بیت - داں تو شت کن ئے تئی ہمراہ  
 انت۔۔۔۔۔ کپ ئے ترا ساہگ کنت - ء ہمے زمینِ مہر بنی آدمے  
 میراث انت۔۔۔۔۔ ہمے میراثِ اُمیت مقبول آزمانک ہم نبشتہ  
 کنت ء شیئر ہم گش ایت -

(مقبول انورے شیئرانی کتاب ”ماہکانِ رندپداں“ ء مئتے )

### جہان سکین دنت بس مئے شائری کیف ء

سفر ء منزلؔ ہیاں کہ ہور بنت گڑا توامیں زیبائی منزلؔ  
نیمگہؔ روانت۔۔۔۔ ء سفرؔ کوار ہورک بیت ۔ بلئے اے زندہ تپتگیں  
راہانی سرا چندے انچیں مردم ہم بنت کہ آہانی د رستیں مڈی  
ہمے بے منزلیں سفر ء ہمے پادانی گنوکی انت۔

گند ئے اِشاں اے د رُس تئی میراثؔ وارث انت

زان ئے فرہادؔ اے دھر کسی ہمسفر نہ بیت

دیدگانی تْنؔ زبانی دئیگہؔ لالچ مردمؔ آسؔ چگاسؔ گوازیں  
ایت ۔۔۔۔ ء ہمے چگاس الٰہی انت ، اگاں آس چاگردہؔ آست و تئی  
تالہہ اگاں نیست گڑا ترا وت روک کننگ کپ ایتؔؔ آئیؔ تہارٹوگ کپ  
ایت ء چہ د رستہاں گراں تریں کار۔۔۔۔ؔ وتی ندارہ ہم کننگ کپ  
ایت ۔ پرچا کہ اِزمؔ پُل شاہانی سراناں بلکیں زندگیؔ پُرانی تہاسرپ  
انت۔

جہان سکین بہ دنت بس مئے شائری کیفؔ

زبانؔ مانشہؔ پُلے کشاں پہ تئی یاتاں

بندیں دروازگانی پُشتہؔ بے بُرمشیؔ وہم گوں گواتؔ کش  
ایت ، گوں نوداں شنز ایت گوں دُرچکاں شیک ایت۔

زبانؔ آمید مدام گوں دیدگہؔ مارشتانی شاہیمؔ تورگ بیت۔

اے دود پہ اِزمکارہؔ تاوان ہم بوتگ ء پائندگ ہم ، بازیں چیزے بے  
نہادہؔ دز کپ ایت ۔۔۔۔۔ ء بازیں چیزے بے قیمتہؔ رثوت۔

اے چاریں دانکاں نبشتہؔ کنانہؔ من جیڑگہؔ آں کہ اِشانی مانا

چے ۔۔۔؟ متلب چے انت ؟ پرچا کہ شائری وتی پَجار وت انت ء

قاضیؔ فرہادؔ یک ہرابیں عادتے کہ آ شیئر گُشگہؔ وھدہؔ مارشتاں

لبزانی باھوٹ نہ کنت بلکیں لبزاں مارشتانی گُٹؔ ایر کنت۔

تانسریں شپ پہ جیڑگہؔ گوازینت

قاضیؔ چمؔ دو روک ترا مہ کپات

گندے بیوابیءِ گم چوں توازہ یے جوڑِ انت ---- ءُ لبزانی  
 دست ہچ نہ رَسیت یا اے شیئر:  
 ما وفا داریں زبانِ نیتِءِ دراہی دئیں  
 مئے ہیالِ راستیں چمّءِ باطنِءِ شپِ ناز کنت  
 تہاریں شپے ----، دُور چراگے شہم ایت ----، اگاں  
 مساپرۂ رو چے ہم گرنچۂ بہ بیتِ بلئے پادِ ئے یکبرے ہمودا بر آنت  
 ءُ اُمیتِ ہمے شہم ، ہمے بُرمش قاضی فرہادِءِ شیئرانی تہامن باز  
 جاگہءِ دیستگ۔

30 جنوری 2003، پسنی

(فرہاد قاضیءِ کتاب : محرمیں راز "ءِ منتِءِ )

### ماہکان دوچے نودے شنزاں گوپتگیں

اے وھدی قاسم فراڑے کتاب ”منی چندے دستونک ء لچہ“  
 منی دیما انت - بلئے انچیں جاوربالے ٹہ اتگ کہ پیشگالانی  
 تہانبشتگیں لبز تاوان بار بوتگ آنت۔ انچو سماء بیت کہ پیشگال بس  
 وتسریں سپت ء ستاء نیمونے پشت کپتگ - پیشگالانی لبزاں وتی  
 نہاد دور داتگ۔ دگرے نزاں بلئے من اے ردء ہمنچو بے پکاریں  
 نبشتانک ونتگ کہ نوں وتء پہ مُشکل چُشیں چیزے وانگے راضی  
 کناں۔ وھدے جاور اے پیئم بہ بنت گڑا تاوان ہمانوکیں شائر ء  
 نبشتہ کاراں بیت کہ آلبزانکے حقیں مردم آنت نوں بیچارگیں قاسمء  
 را اے تاوان سگگی انت ، آمئیٹ کہ نہ مئیٹ۔

مردم چہ شیئرے جے لوٹ ایت ؟

اے یک انچیں جُستے کہ باز برء مردمء تکانسر کنت - شیئر  
 واناں کن ء پد جناں بُو۔ میزان میزانء اے گرنچ پَرچاں کنت کہ  
 شرّیں شیئر دگہ ہچے نہ انت ، بس یک وشی یے ، کیفے کہ ترا بے  
 واہش ء لوٹء رَسیت۔ شیئر بہ بیت یا دگہ ازمے ، راہ اش ہمیش  
 انت - یک انچیں شادہ یے ، انچیں تاہیرے کہ آئیء طلب تئی دلء  
 پادنیاتکگ ، توآئیء شوہازے در نہ کپتگ ئے ء اناگاہ ترا رسیت ، بلئے  
 وھدے کہ رسیت گڑا مردم زانت ، اگان مہ رستیں ، مزنیں کمّی یے  
 پشت کپتگ آت، بلائیں محرومی یے بوتگ آت۔ شرّیں شیئر دگہ ہچ  
 نہ کنت ، بلئے یک کارے اَلَم کنت کہ ابیتکی یے سہڑین ایت ،  
 ہورکیں جاگہ یے پُر کنت۔

ہما دانک باز مبارک آنت ، ستا کرز آنت کہ چراہاں چاگرد  
 مئیٹ، گلامیں راج آزات بنت، تہاریں ہنکینانی تالہ چراگاں بیت، اے  
 پیمیں دانکانی کسے ہر نہادے بندیت۔۔ سرء چمّاں۔۔ بلئے اے  
 شیئر نہ آنت - بوت کنت چہ شیئرے مسترء بُرز تریں چیزے بہ بنت۔  
 اے تہنا بلوچیء نہ بلکیں توامیں لبزانکانی جیڑہ انت کہ  
 لہتیں شائر پرے ہاترا مزن آنت کہ آہانی توار بُرز انت ء دگہ



چندے پرے ہاترا شریدار آنت کہ لبز باز کارمرز کن آنت، بلے  
 شریں شائری چرے دوئیں تہراں جتائیں چیزے۔ شریں شیئر ہما  
 انت کہ آئی شہار مزن انت۔ نہ توارے بُرز کنگے ضرورت انت ء  
 نیکہ لبزانی قارونی امبارے درکار انت۔ قاسم شائری منا دوست  
 بیت پرے ہاترا کہ آ وتی ضرورت لبز باز پجہ کار ایت ء ہماہاں  
 کارمرز کنت ء پدا گوں جہلیں ء شیرکنیں گالوارے ہر کنت ۔  
 نو بیا قاسم دستونکاں چندے شیئر چار این:  
 من شاگے آں ء گشے لوگ تیابے قاسم  
 چو چولے چست آنت منی چاریں نیمگے دیوال

★

ہونی ئیں تیگ، سستگیں لشکر  
 باریں ایوکی کجا انت ہور ء

★

آپے شوہازے گوں من ہم سفر  
 پرشتگیں شاگے، دلے ویرانگے

★

لڈان انت پدا آپے ترسے تئی میتگ  
 یک یکے چناں کن وتی نزار گلاباں

★

گوات کشکے ء بہ بیت بلکینے دریا پادار  
 آپ پیوند گتگ، ساہگے بستگ دیوار

★

وہد چو ریکے منی چنکاں رچیت  
 زر منی آستونکے لمبے چول جنت  
 چناہا پہ درور اے شیئر سک باز کم آنت پرچا کہ اے کتاب تہا  
 انگت چد ء شرتریں شیئر باز آست بلے من پہ زانت اے ششیں شیئر  
 د رچتگ آنت ۔ پرے ہاترا کہ اے د رسیں شیئرانی تہا ”آپ“  
 کارمرز انت۔ دریاء رنگے بہ بیت ، ہورے یا تیابے ، بلے آپ ہر

شیئر تہاجتائیں چہرے پدّر بیت۔ بزاں کہ آپ زندان ، جُہد زند، زوراکى ، بے بیسہی ءُ ہنر ءُ پوریاتِ استعارہاں کارمرز بوتگ ءُ اے شیئرانی بس یک پہناتے اِشانی سرا دگہ ہم بازیں تکاں ہر بوت کنت۔ ءُ ہمے ہال لچہپانی انت اودے ہم ترانے بازیں درے پچ بوت کنت ، بلے من لچہپانی نیمگہ نہ رواں گڑا اے سیاہگ باز دور روٹ۔

بنی آدم چاگرد رنگانی دُراجیں سلسلہ یے ، وھد، زمین ، سیالدارى ، زبان ءُ ربیدگ اے دُ رست وتی وتی رنگے دار انت ءُ لبزانک یک انچیں حصارے کہ اودے اے توامیں رنگ زندگ انت ، جیڑ انت ، کند انت ءُ گریونت ۔ دگرے چمانی تہازندگ بوگ گرانیں کارے نہ انت ، بلے وتی تہازندگ بوگ ہاترا المی انت کہ مردم وتی اندرے اے توامیں رنگاں ، دُ رستیں بچکند ءُ ارساں ءُ کُلیں سیالداریاں زندگ بدار ایت۔

لبزانک یک انچیں امانتے کہ واترینگی انت بلے ہما کساسة اناں کہ ترا رستگ بلکیں ایشی تہاوتی کرد ہم ہوار گيجگی انت ءُ ہر کس کہ وتی بھرے ہوار کنت لبزانک آئیء گیر کار ایت۔ قاسم فراز بلوچی لبزانک تہا نوک انت بلے درامد نہ انت ونتگیں ورنہ یے ، دنیا آ دگہ لبزانکاں وان ایت ءُ سرپد انت ءُ اے کتاب آئیء اولی نقش انت ، ایشی وانانے من چرائی بانداتے دلجماں۔ بس یک سلاہ یے قاسم دیگ لوٹاں کہ زندگی توامیں کشک چہ مردم جندے باتن درکانت ءُ ہما سفر کہ آئیء بنی آدم داں روچہ مرچی مشکول کتگ آ وتی اندرے سفر انت۔ ہر شیئر ، ہر لچہ کہ چرے آپسره وتی کُلیء آپ کنت تئی نہ بیت۔

15/06/2008، پسنی

(قاسم فراز کتاب ” منی چندے دستونک ءُ لچہ “ مَنّت )



[illegible]

ہر ساچست چہ وانوکۂ اے لوٹۂ کنت کہ یکبرے آئی  
 جوڑشت پُروشگ بہ بیتۂ پدا ہمے پُرشٹۂ پُروشۂ دَنَرنی تہا ہما  
 بزانتی اکس کہ پدَر بیت ہمودا شیئر شوہازگ بہ بیت۔۔۔۔۔ساچستۂ  
 عمل جوڑ کنگ(to make) نہ انت بلکیں اڑ کنگ (to create) انتۂ  
 اے عمل باز شاہگان انت۔۔۔۔۔برے برے تیوگیں جہانۂ سازگۂ  
 رَند ہم مردم جیڑایت کہ چیزے پشت کپتگ۔۔۔۔۔ۂ برے تیوگیں  
 کینوس بالیگ انت بس یک جاگہ یے ٹگے جننگ بیتۂ سماء کپیت  
 کہ بس۔۔۔۔۔بس، کار بوتگ۔

گوں وت بہ بر یاداں اڑیت

تچکیں ندارگے، کسّے روڳء رند انچو تہار بیت کہ آئی  
شوبازۂ اوں درکپگ نہ بیت۔۔۔۔۔ بلئے ادا ہالیگیں کینوسۂ بس  
دو (۲) ٹِک جنڱ بوتگ۔۔۔۔۔ ”تند“ سپتۂ شپۂ بستار بدل  
کتگۂ نُوں شپ انچی چیزے کہ آریت، پیرائیتۂ پدا دومی ٹِک ایش  
انت کہ لبز”پاداں“ یگیں وہدۂ دو بزانتاں کار کنگۂ  
انت۔۔۔۔۔ سرگرگۂ نسبتۂ اے وتی جندۂ بزانتۂ دئیگۂ انتۂ  
شپۂ نسبتۂ چَمۂ جاگۂ اوشتاگ۔۔۔۔۔ نُوں تندیں شپ گوں  
پاداں ہم اریتۂ چَماں ہم پیرائیت۔۔۔۔۔ ءُ گوں اے ہیالۂ  
مئیمۂ گام جنڱ یا سپر کنگۂ ہما اکس کہ بندوک انت آھمینچو  
زیبا انت کہ دل گشیت شپ پاداں نہ بس چَماں بہ پیرائیتۂ مئیم  
جُنڱۂ جُھدۂ کنان بہ بیت۔۔۔۔۔

اے وَ بوت شیئرِ تابیرؑ یک پہناتے بلے اے ہدّے سربوگّے رند(پرچا کہ داں اے جاگہؑ وانوکّے وَت آیک کپ ایتّے چدّے دیم گڑا شیئر ترا وَت (بارت) نوں شیئر یک پگریؑ مارشتی ”اکائی“ بے جوڑ بیتّے وَتا اے

27.11.2014، یسنى

(امیر دوستؔ کتاب ”بالواں روک کتہ تماشاے“ء منّتء )



گاریں بہرےء دُچار کپگے رند ، مردم کہ ہرچی مارایت ، آئیے  
چے گُوش آنت ----؟ اے واتری یے ہم نہ انت۔  
گوہن کپگ ہم نہ انت ء مٹ بوہگ ہم۔

انچو کہ یک پیر مردےء کاگدے وانگی انت ء وتی عینکے  
شوہازے اد ء اودے دزجنان انت کہ اناگاہ وتی کسانے پینی یے گند  
ایت ء گوں ہمے لیوے انچو مشکول بیت کہ کاگد ء عینک ہر د  
کاں شמוש ایت ۔

اے گدارے گوں من انچو گنگ۔

اے کتابے وانگے وهداں منا ہما وشبوے سپرے باز بے  
وارگنگ کہ پرائی ہاترا ہر کسے را وتی جندے جیگ بو چنگ کپ  
ایت۔

من شُمشتگ آت کہ وتی جندے پد جنگے رپک ء رہبند چے  
آنت ----؟

مئے چاگرد ببا دینگے ہیلے انچو گور جتگ کہ ایشیے وتی  
گاریے مارشت ء شوہازے نیمون گورستانے بُرتگ آنت۔  
ڈاکٹر۔۔۔! تئی کرا انچیں گنجے لازم آست، کہ تو منی بہر  
ہم ہمودا پھیمان گنگ ، بلے تو باز شر گنگ ، اگاں ناں بوت کنت،  
من پھریز ات مہ گتین آنت۔

بنی آدم پرے ہبرے ٹہل انت کہ آئیے پد موسمانی دامنے  
نقش آنت۔۔۔۔، بلے سہتے وتی پیشانیے سیل نہ کنت کہ وهدے  
رہ سرانت۔

کسے ایش انت کہ مردم چما روچے گوں زندگیء دُچار کپ  
ایت ، سفرےء تہا انت۔۔۔۔۔، منیت کہ نہ منیت ، مارایت کہ نہ  
مار ایت۔

زمانگے رنگ منی چمانی دیما گوز آنت یا زمانگ منی چماں  
گوز ایت ، ہبر یگین انت ، بس مارشتانی تپاوت انت۔  
دیر انت بالزاکے جُستے گنگ آت کہ ”ہُشکیں کانپولانی  
ندارہ گران تر انت کہ گیمُرتگیں دلانی۔۔۔۔۔۔۔۔؟“



ڈاکٹر! تئی اے گِدارِ ہم پمَن لہتیں انچیں جُست و دی کُنگ  
 ، کہ آ جُست اَنت ہم ءُ پَسہ ہم۔ اے گِدارِ وانگِ رند مردمِ  
 مُلوریٰ ہما شیرکنی گور جنت کہ چہ زندگیِ گرکِ رُد ایت۔  
 تئی مستریں سوہندی ایش اِنت ، کہ ہچ کارست چہ تئی  
 دستِ نہ دَر کپتگ ءُ نئیکہ تو چراہاں اندیم بوتگ ئے۔  
 پمشکا کسّہ ءُ کارستانی نیامِ ہچ اوشتوک نہ اِنت ----،  
 نہ کوہ یے ، نہ آپے ، نہ مُجے ، بس سیالدار یے چو اوتاگِ تچک  
 اِنت۔

01.12.2007، پسنی

( ڈاکٹر اسلم دوستینِ کتاب ”سوتکال“ ءِ مَنّت )

---

 دو ترمپ دریا
 

---

ڈولی بیگ بلوچی لبزانک تہانوکیں نامے، سفرے ساچانے  
 انت ء رواج ئے پہ گیگ انت --- نظم ئے ہم گشتگ بلے  
 اصلے غزل گوں آئی تبے گیشتر دپ کپیت۔ لبزانک انچیں سفرے  
 کہ ادے ہر کسے را وتی چراگ وت زورگ کپیت۔۔۔ دگرے پدانی سرا  
 پادے ایر کنٹگ منزلے اندیمی انت۔ ڈولیے مستریں ہنر مندی ایش  
 انت کہ آ شائری تہاہر کنٹگ زانت ء گپ گپے تہا شریں شیئر  
 گشیت۔ شائر ء وانوکے نیامے سیالدارے بابتے سک باز گشتگ بوتگ  
 بلے یگے و اے کہ شیئرے وتی تہر ( اثر پزیری حوالہ ) باز زانت ء  
 دومی اے کہ ہر مردمے را شیئر یک ہسابے سر نہ بیت۔ بازیں  
 شیئرے انچو سر بیت کہ آپے چہ بُرگے ایراد بہ بیت ء جہلے  
 بیٹ۔۔۔ ء برے برے شیئر انچو سر بیت انچو کہ ہر کسے مردمے  
 سوچنے گوں بہ جنت۔ دگہ چیزے شیئر ہست کہ آہانی وانگے  
 گوں تو آہاں دیست کن ئے کہ تئی دیما لیٹبے انت۔ چیزے شیئر  
 انچیں بنت کہ تو چہ وتی بدنے آہانی وشبوء مار ات کن ئے ء  
 چریشاں ابید ہم شیئرے بازیں رپکے ہست۔۔۔۔۔ بلے من ڈولی  
 بیگے شیئراے ماں شانگے دیستگ انچو کہ شپ مانشانیت۔۔۔ یا چو  
 کہ مرگے سرا میزان میزانے دامے بہ کپیت۔  
 ڈولی شائری تہا وتی گتہ کاریاں دروشم دنت۔۔۔، ڈولی پہ  
 کسب ء کار دریا وردے بلے ترمپانی سپرے تہا ایر بُک اتگ۔ پمشکا  
 ریدگیں تئے واہندانت بلے آئی زبانے شیرکنی ء شائستگی آئی  
 درد انچو ساکم گتگ کہ نہ شہم ایت۔۔۔ بس شوہازگ کپ ایت۔  
 ”دو ترمپ دریا“ ڈولی سفرے بندات انت ء اے اوست بندگ بیت  
 کہ بہ گندئے ڈولی دیمترے بلوچی غزلے را وتی دوشمے بد انت۔

۲۰ اگست ۲۰۰۳ء، پسنی

(ڈولی بیگ کتاب ”دو ترمپ دریا“ منتے)

### شیچراگاں پتا مُلوریناں

مُلا واحدنوریّے وتی سفر سُبک سُبکے بندات کتگ... مُلا ہر  
دماں منی دیمے بوتگے من اناگہ سماء کتگ کہ اے وڑیں شیئر  
گُشگے انت۔

سے شیچراگاں پتا مُلوریناں  
نُون تئی شہرے روشنا دُرچکے

لبزانکے ساچشت پہ بنی آدمے نوانے پناہ گاہ انت۔ ادا  
ایوکیں توامیں مردم ہما انت کہ چہ چاگردے روچ روزینی زندے بے  
کیپے پھری انت۔ اے ٹکے توامیں مردم جستگے لک اتگیں مردم  
انت۔ ء نُون مُلاے ہم وتی ہرد بستگ انت ہمے بے کیپے بے رنگیں  
دیوالے لہتیں رنگ مُشگے چندے کشک رندگ لوٹیت۔

یک شائرے چہ وتی چاگردے زندے مارشتے ازمی دُروشمے  
چُنت گام دیما شُتگے آئیے کوارے گُجام رنگ مان انت؟ ایشیے زانگے  
یگیں رُبند ہمیش انت کہ مردم آئیے چندے شیئر دیمے بنادینیت ء  
گوں آہاں ہر بکنت۔ گڑا بیا مُلاے شیئرے چاریں۔  
سے چاریں آتراپ انچو ہورک انت موسم  
مُبگاں بینگ مگسک گندگ نہ بنت

اے شیئرے تہا یک میکنزے کارے انت، ء ایش انت کہ شیئرے  
تہا یک کلیت لبزے (Key word) ہست ء تہنا ہمے لبز معنوی  
بستارے وتی جاگہے اوشت ایتے شیئرے آدگے ہوردگ ہمے لبزے رضاء  
وتی رنگے بدل کن انت۔ ادا ہمے لبز ”آتراپ“ انتے ایشیے ارزشت  
ایش انت کہ اگاں توامیں لبزانی ماناہاں مٹ بکن ئے، بلئے ”آتراپ“  
چہ وتی جاہے نہ سُریت..... ء پدا دومی نیمگے اے ہمچو توانا  
انت کہ شیئرے کلیں چاگردے وتی تبے رنگے رجیت۔

سے چاریں آتراپ انچو ہورک انت موسم  
نُون ”آتراپ“ رند المی انت کہ موسم، موسم پشت مہ کپیت...  
موسم زمین بوت کنت، شہرے، میتگے، لوگے یا انگہ دگے بازیں

چیزے بوت کنت... نُون کہ اُتراپے موسم بدل گت..... پداٹمبگے  
 رنگ مٹ اِتے بینگ مگسک دگہ چیزے جوڑ بوت۔ ساچشتے  
 مستریں شری یے ایش اِنٹ کہ آ وانوکے تہنا یلہ نہ دَنت۔ بلکیں  
 وانوکے ہم وتی گُواپے تہا ہوار گِجیتے وانوک ساچشت وانگے  
 وہداں لاچار بیت کہ نبشتہ کارے بوری گون بہ کپیت۔ ادا وھدے  
 اُتراپے ہنچو لبزانی رنگ بدل کت... اِشانے پدا دگہ رنگے دیگے  
 ہاترا وانوک یا اِشکنوکے ہمرابی اَلَم اِنٹ اے ہما کسانیں لیک اِنٹ  
 کہ وانوکے ساچشتکارے ہمکوپگے اوشتارینیت۔

یک معنوی دائرہ یے زورگے آئیے تہا یک خاصیں ٹگے (نکتہ  
 یے) انچو فوکس (Focus) کنگ کہ آ چہ دائرہء درامد ہم مہ بیت اے  
 آئیے اندرے توامیں رنگ پدّر ہم بہ بنت، اے یک شیواریں شائریے  
 کرد اِنٹ۔ بیا نُون اے سرشونے ملاء شیئرے وان ایں۔  
 ہگلزامینے منی کنت ساہگ  
 بیگہاں مرگ بنت کتار زرے

اے دوئیں رد (مصرعہ) یک سرجمیں معنوی دائرہ یے اِنٹ۔  
 بلے اے دائرہء تہا ”مرگ“ ہما ٹک اِنٹ کہ فوکس کنگ بوتگ۔ ادا  
 چہرے جہتے گلزمین ہم زورگ بُوت کنت، ساہگ ہم، بیگہ ہم،  
 مرگ ہم اے زر ہم..... بلے مرگ انچو فوکس اِنٹ کہ آئیے چہری  
 ماناہاں تو ہر نیمگے بہ ترین ئے، توامیں شیئر ہما نیمگے  
 جُنزیت..... شیئر تہنا لبزے حیلانی جنگ اے بجنگ نہ اِنٹ بلکیں اے  
 یک انچیں مردمے جہگیری اِنٹ کہ آئیے کرنانی گوازینتگیں گرنچ  
 بدّا اِنٹے پہ نہ دیستگیں بے کچّ اے کساسیں آئندگیے رہادگ اِنٹ۔  
 ہمیشکا گون شیئرے ارواہے دُچار کپگے اَلَم اِنٹ کہ لبزانی پردگ پہ  
 شیواری چست کنگ بہ بنت۔

منا اے کتابے تہا بازیں شیئرے دوست بیت۔ بلے بیا من  
 شمارا وتی دوستریں شیئرے پیشداراں  
 ہر شپے نشتگ شپانکے بینزکے  
 پاسے منتیت واپے بادینیت گشے

هر شیئر چه وتی معنوی بستارے ابید یک صوتی عکسے هم بیت۔  
 گون شیئرے دیم په دیم بوگے اولی جاگه هما انت که اودا شیئر بس  
 یک صوتی عکسے..... بُرزے نبشتهپیں شیئرے اولی مقام انچو ڈولدار  
 انت که مردم شیئرے دومی بزاں معنوی تبکے روگ نیلیت، شپ،  
 شپانک، بینزک، پاسے واب چو کولاژٹیکنکے پینٹنگے گون باز  
 ازمکاری هوار گیجگ بوتگ انت همنچو برابدار انت که دل گُشیت،  
 بس اے شیئرے همے درجه بچاره به ساڑا..... بلے مردم اگاں کمے  
 شیئرے رد بدانت ه تها ئے به پُتریت ته سماء کپیت که شیئر وتی  
 دومی منزله هم همنچو بزگار انت..... که اودا یک نیزگاریں شپے  
 (هر بند شپے روچ آئی جاورانی حساب ازگارے نیزگار بنت) که  
 آئی مونس تها یک شدیکیں شپانکے..... ه شپانکے وتی هورکیں  
 بینزک دست انت که شپے پاسے منتگ ه ملما کنگه جُهد کنگا  
 انت ه پدا که وتی زند ترانگه کپیت ته واب بادینگ بندات کنت۔  
 ادا ”منتگ“ ه ”بادینگ“ چه شیئرے چاگردی جوباره زورگ بوتگ انت  
 که ایشانی تها ربیت زیائی شیئرے زیبا کنگا انت۔ بلے اصله هردو  
 لبز په ”سهرینگ“ بزانت کارمرز بوتگ انت..... شپے پاسه  
 منتگ ایش انت که آئی بے تواریه ملوری تها وتی دله اندره درده  
 زیمر هوار گیجگ به بنت..... ه واب بادینگ اے که وتی زند  
 نگیگانی سهرینگ باترا واب هیالانی بادگیر انچو برز برگ به بیت  
 که چاگرده بے رنگی چه چماں اندیم به بیت۔  
 اے کتاب تها چُشیں شیئر باز انت که گون تو سفر کن انت،  
 د مبرانت، نندانت دیوان کن انت، گلگ ساز انت..... چو ساہگه  
 کشه گون بنت چو جمبره ساچان کن انت..... بس هما دلگوش  
 پکار انت که حقیں شیئرے حق انت۔  
 سلامت بات انت۔۔۔

25/11/2013، پسنی

(مُلا واحد نوری کتاب ”همراهان وتی هوشام“ ه منت ه)

## توکل

توکل الٰہی انت۔۔۔ پہ زندگی۔۔۔ پہ لبزانکء زندگی یک  
 انچیں میتگے کہ بُرزیں کوہ یے بُنء آباد انت۔۔۔۔ ء زندگی سکین  
 ایش انت کہ ترا بالا بوگی انت۔۔۔ داں ہما ہدء کہ کوہ ءلء سر بہ  
 بئے۔۔۔۔۔

اودا کہ سر بوت ئے، زندء توامیں میتگ گوں وتی سرء پُراں  
 تتی چمانی دیمء بیت۔۔۔ اے توکل زندء پکار انت، ء چدء رند نوں  
 لبزانکء کار بندات بیت۔۔۔۔ لبزانکء لوٹء سکین ایش انت کہ ترا  
 پدا چما کوہء دَور کنگی انت۔۔۔۔۔ پہ میتگء۔۔۔۔۔ پرچا کہ دانکہ تو  
 بُرزء نشتگ ئے۔۔۔۔۔ بس چاروکے ئے۔۔۔۔۔ ندارہ کنوکے ئے، وہدے کہ  
 دَور کنئے گڑا لبزانکء مردم بئے۔۔۔۔۔ ء ہمے توکل کنگ کپ  
 ایت۔۔۔۔۔ اے سگیں گرانیں کارے۔۔۔۔۔ من چہ وتی نبشتہ کاراں  
 بس، ہمینچو توکل لوٹاں کہ وتی ہما نبشتگیں تاکاں بہ درانت۔۔۔۔۔  
 کہ چراہاں آبانی لبزانکی چم دلجم نہ انت۔۔۔۔۔ انوں ہمینچو توکل  
 ایمانداریء شرت انت۔۔۔۔۔ چدء رند۔۔۔۔۔  
 گڑا آیوکیں پدیریچ بہ جیڑایت کہ چہ کوہء دَور کنگی انت  
 یا انگہ لہتیں تاک پشت کپتہ؟

21/07/2013، پسنی

( اصغر ملنگء کتاب ” تران ء لیکہ “ مئتء )

### کسہ رمیزاں گپتگ آنت

مروچاں نوکیں شائریء نامء ہما درسیں بے ربندی ء نا شائستگی  
بُوگء آنت ---، کہ مردم آہانء شیئرء ابید دگہ ہر نامے بلوٹ ایت  
دات کنت۔

بلئے برے برے اے وڑیں شیئر کہ دیما گوز ایت گڑا مردم  
کمے ساکیم تر بیت۔

مانودی ساچ سازتہ گوں زیمران  
ما شیئر ہون ششتگ آنت

ما جمبرانی گپ جتہ

گوں ہوری ترمپاں لبز درچتہ

مئے کر پدانکیں شیئر آپ بوتگ آنت

خالق ارمان بلوچی نوکیں لبزانکء ہما مردمانی تہا انت کہ آہانی  
شیئرء وانگء رند من دلجم ہاں کہ بلوچی شیئر نوک بوہان انت۔۔۔۔  
بلئے وتی ربیتی شائستگی ء اندری ہانوادگیء یلہ دیگء ہم ساڑی  
نہ انت۔

من ادا پہ رہ رواجی تہنا یک شیئرے نشان کنان ء کتابء  
شمے دستء دیاں

زندگی مرچاں چگردی ساہگے

شوانگی لٹیکو منی لٹاں رچنت

27.07.2015، پسنی

(خالق ارمان ء کتاب ”کسہ رمیزاں گپتگنت“ ء منت ء)

## سفر بے رنگیں آچارے

رنگِ تہا لبز ءُ ترانِ تہاشہم۔۔۔۔۔، جُنزُ موسمِ ہوار گیجگِ اِزمِ  
 سِپتِ اِنت - شیئر دانکہ مہ شہم ایت ۔۔۔۔ مہ سُر ایت سلامتیں  
 ہبرے بہ گندئے بوت بہ کنت۔۔۔۔، بلئے شیئرے نہ بیت۔  
 ہر کسّہ ءُ ندارگ پہ شیئر بوگِ شائرِ چماں لوٹ ایت -  
 کپوتے کشتگِ آت من پیژگاہِ  
 اگاں دُرچکانِ بانزل پر بہ بوتیں

گوات کہیبی لُڈانِ آت  
 چاپ جنانِ آت روشندان

آپدانِ بہ پھریز وتی  
 سرگرانِ انت پدا ریگزار  
 چُشیں شیئر گُشگِ موسمِ چمّ ءُ اِزم ۔۔۔۔۔ ہر دوکانی  
 نہادِ ودّیت۔۔۔۔۔۔۔۔۔۔۔

04'06'2013، پسنی

( عادل سجّادِ کتاب ” سفر بے رنگیں آچارے “، مَنّت )



## آپؑ نمبگ هونؑ بو

سَلہیں دستونک انچیں تہرے کہ دستونک ءُ دوباءِ نیامؑ سپر  
 کنت۔ اگاں ایشیؑ تک دستونک ئیگ انت گُڑا آ دستونک ئے دوباءِ  
 ئیگ انت۔ پمشکا اے دوئیں تہرانی ڈوہی انت۔۔۔۔۔۔۔۔  
 باز برا منا اے تہر یک بے مہاریں آجوئی یے گندگؑ کئیت  
 ۔۔۔۔۔۔۔۔ ءُ آجوئیؑ تہا ازم ءُ ساچشتؑ پہازؑ پلگار وت هنر مندی یے ۔  
 گلاب گوہرؑ پہ وتا ہمے تہر درچتگ۔۔۔۔۔۔۔۔ ءُ اے کتابؑ  
 تہاچندے انچیں شیئر شنگ آتگ انت کہ آہانی سادگی ءُ زیبائی دلؑ  
 دیما مانتر انت۔

تو گندے مُلکی مردمے  
 چراگی شہمے گوں بکن  
 یا  
 دل شَنکانی سستگیں تندے  
 جنگلؑ زینتاں پتاہان انت

اگاں گلابؑ چرے پدیانکؑ جہل مئیت ۔۔۔۔۔۔۔۔ اے تہرؑ وتی  
 رنگ ءُ بویے دات کنت۔

(گلاب گوہرؑ کتاب ”آپؑ نمبگ هونؑ بو“ ءُ منّت ءُ )

ۛ من اُمیت کشاں کہ لیاقت اے جُہدۂ دیمترۂ گیشتر سوہان  
کنت ۛ بلوچیۂ شیرکن ۛ زبائیں شیر بکش ایت۔

## ڈگال ء

هر ازم يك زمينے امانت انت----- يك چاڑ ء بومے وارث انت -  
 همے پيم شيئر ازم هم وتي لبزاني تپالپتيں رنگ ء بوہ رودين ايت  
 ---- شفا بلوچ پہ من نوکيں نامے ----، بلے شيئرے همنچوکہ  
 نوک انت-----همنچو آشنا انت هم ----!، گون منا-----گون ترا  
 ء گون وتي زمينے - مني هيالے بس دگہ کميں گامے سپر پشت کپتگ  
 کہ چرائے پد شفاء شيئر يکيں چيز جوڑ بنت۔

( شفا بلوچے کتاب ” بينگ متکگ انت ڈگال ء “ منت ء )

## استال روچہ دژمن انت

منیر دشتی Technically پُہتہ ءُ گتہ کاریں شائرے ----  
 شیئر سازگہ رپک ءُ راہاں آشنا انت ---- بلئے ہما شیئر کہ چہ  
 شائر ءُ فارمہ ڈن درکثیت ---- ءُ پہ وتا حد ءُ سیمسر درگیچ ایت  
 ----، آئیہ نبشتہ کننگہ ہاترا چرے آشنائیہ ابید ہم بازیں  
 جنجالے لوٹ ایت ۔

شیئر ہما انت کہ اگاں چرائیہ بُنگپہ سنگینی ءُ فارمہ شہم  
 ہر دو د رکنگ بہ بنت، ہم آشیئرے پشت بہ کپ ایت ---- ءُ  
 اگاں شیئر اے ہدہ سر مہ بیت، گڑا Practice یے و بیت ءُ Record  
 یے ہم بیت ----، بلئے زندگیں شیئرے کنڈہ نہ گیپت ----  
 منیردشتیہ کڑا منا گیشتر بھیسہ فارم ءُ ہئیتہ سرا گندگ  
 آتکگ ----! بلئے اے کتابہ چارانہ چندے اے وڑیں رد ( مصرعہ  
 ) ہم منی دیما گوستگ کہ

تراولان پادانی نہ چت رازے

یا

پمیشکا دعا گتگ ہورے بہ گوار ایت

تئی یاتاں کیاں تئیگ باں من

اے وڑیں ردانی وانگہ رند من کساس گت کناں ---- کہ  
 منیرہ اصل شائر ہمے گر ءُ بندانی تہاجاگہ یے یلہ داتگ ءُ نوں  
 چرائیہ شمشکار انت ---- من ہمے اوستہ داراں کہ منیر آئیہ  
 زوت شوہاز ایت۔

29/12/2015

( منیر دشتی ءُ کتاب ” استال روچہ دژمن انت “ ءُ منتہ )

## باہند

ندیم حسین زیدؔ سگیں شیرکینیں سنگتے - دیر انت کہ  
 شیئر گش ایت ----، بلئے انگت کم مردم ئے زانت۔ کسے چہرگ  
 ئے نہ جنت-----، بس وتی وڑیں مردمے۔ من ندیمؔ را ہچہر  
 جُست نہ کُتگ-----، بلئے وھدے کہ آ راہؔ رنوت گڑا منا سما  
 بیت کہ اندرؔ چنچو ماں گیش اِتگ۔ توامیں زندگیؔ بس یگیں کارؔ  
 گلائیش انت۔ نشتگ ء وتی پُر یچگؔ جُہدؔ انت ----- ”باہند“  
 حقیقتؔ ندیمؔ دومی کتاب انت۔ بلئے چہ اولی کتابؔ پیسر چاپ  
 بوگؔ انت۔ اولی کتاب ئے دیر انت ----- رد ء بند انت ء پہ  
 چھاپؔ مہتل انت بلئے زاناں پرچا ندیمؔ ہج کُتگ کہ آ بلے ایر  
 انت، پیسرا ”باہند“ ء چھاپ کناں - اے ہم آئیؔ وتی پُر یچگؔ  
 جُہدے بہ بیت۔  
 منا چہ ترانگؔ ڈکؔ بہ بوجیت  
 نہ گنداں من چُشین بستار وھدؔ

ندیمؔ باز تامداریں شیئر گش ایت ---- ء وتی کالبؔ تہا  
 شیئر گشگؔ ہنرؔ زانت۔ رنگؔ بویے ہر دو وتی انت۔ ندیمؔ بازیں  
 شیئرے کہ تو وان ئے گڑا ترا سما بیت کہ آئیؔ وابؔ تہا گُشتگ انت  
 - یا گُشتے زاناں اناگہ چرائیؔ دپؔ ذراتکگ انت - ء برے برے  
 شیئر انچو گش ایت کہ یگےؔ چہ وابؔ گُزینتگ۔  
 منا ندیمؔ بازیں شیئر ----، بازیں وڑےؔ دوست بنت، بلئے  
 منا یل دئے ----- سُما ندیمؔ وتی وڑا بوان انت - ہمار انت ء مانا  
 بہ کن انت۔

کراچی، 24/04/2008

(ندیم حسین زیدؔ کتاب ”باہند“ ء منتؔ )

### چولے دمکاں پوشان انت

ہما گم کہ مردمء شنگین ایت آئیء ردء بند ہم دنت۔ زبیر  
بنیادم اندرء ردء بندء گوناپ بکشیت۔ مردم وتی درشانء ہزار دابء  
کنت، ازمء توامیں گوناپ اسلء انسانء اندرء درشانء سرشون آنت۔  
شیئر ہما انت کہ مردمء اندری زیبائیء ردء بندے بدنت ء پرائیء  
چاگردء تہا جاگہ یے بہ گیشین ایت۔

لبزانی بُرُء جہل، ردء پیشرد یا زیلء بام کُل تهرینء منتء آنت، در  
برگ بنت۔ پہ شیئر گُشگء اے ازباباں ہر کس کار گپیٹ کنت، اگان  
چیزے چہ دُنء نہ رسیت آ ازمء حقیں جوہر انت ء تہنا ہمے جوہر  
چہ اندرء ودی بیت۔ کُلیں وڑ ء دُول، ریکء رہبند ازمی ء لبزانکی  
راجدپترء میراس آنت۔ اگان ازمکارء چیزے ہست گُڑا چریشاں جتا،  
آئیء زبیر، گم ء جیڑگء ایوکیں رنگء داب انت کہ آئیء شائر، لبزانت  
یا ازمکار جوڑ کنت۔ ہر اسیلیں ازمکارء وتی اندرشوبازگ ء آئیء  
زیبائیء را ردء بندے دیگ کپ ایت۔

انچو گُشت تئی ساہگء  
زیبائیں مہرگ رتکگنت  
دشتء کپوتان رُپتگنت

اے نسیم بیگء لچہ یے سہ رد (مصرعہ) آنت۔۔۔۔۔  
بلئے یک ساہگے کہ آ کسے ہم بُوت کنت، مردمے۔۔۔۔۔  
درچکے۔۔۔۔۔ دیوالے۔۔۔۔۔ زمانگے۔۔۔۔۔ ہرچی کہ تو جیڑ ات  
کن ئے۔ ء پدا ساہگء مہرگ رتکگنت۔۔۔۔۔ ادا رُژن ء تہاری ہوار  
کپگء گوں ہما رہبند کہ ودی بُوتہ، آ شیئرء ردء بندے گوں زمانگء  
چاگردء ردء بندے نزوک کنت۔ بلئے پدا ہما دمانء وهدے سیمی رد  
کہ دیمء کئیت ”دشتء کپوتان رُپتگنت“ گُڑا توامیں میئیں ردء بند  
پُرنشت بس ازمی ء ساچشتی ردء بندے جوڑ بیت۔۔۔۔۔ پرچا کہ نہ  
مہرگ چینک جوڑ بنت ء نہ کپوت تہنا مُرگ پشت کپنت، بلکیں گوں

”روپگ“ ۽ ڪِردَ ٻوار ڪپگ ۽ رند يڪ انڇين چاگرد ۽ ماناداريں مردم  
 بنت كه اودا زيائى چه شكَم ۽ بُرزترين بَستارے داريت۔ شيئرِ اوليٰ ۽  
 گُڏي ڪرد هميش انت كه آ چاگرد ۽ رد ۽ بنداني ديم په ديمى ۽ وتي  
 رد ۽ بندے اير بکنت۔ ۽ اے ڪتاب ۽ وانگ ۽ رند من چه نسيم بيگ ۽  
 اُميت داشت ڪناں كه آ وتي شيئرِ سپر ۽ رد ۽ بند ۽ همے گوناپ ۽ ديم ۽  
 بران ڪنت۔

24/08/2015

( نسيم بيگ ۽ ڪتاب ”چولے دمڪاں پوشان انت “ ۽ مٽ ۽ )

## پیر زالہ را چے سما انت

چراگجہ  
 شپانکے چراگجہء مُرت۔۔۔۔۔  
 ءُ پدا چو بوت کہ تو میتگِ ہرلوگِ سر بہ کشِ اِتیں آئیِ رَمگ  
 ہمودا آت۔۔۔۔۔  
 انگہ آئیِ کبرِ سرا کِگے اوں نہ رُستگِ آت کہ توامیں میتگِ آئیِ  
 چراگجہ جوڑ بوت۔۔۔۔۔  
 کینوس ، بُرش ، رنگ درست ڈٹی چیز انت۔۔۔۔۔ دست اوں پوریا گر  
 انت۔۔۔۔۔  
 بس ہما اکس وتی انت کہ درشانِ دردئے پر انت۔۔۔۔۔  
 ہر شے وتی بہرے لوٹ ایت۔ دست ہم پہ وتی مَزَّ بے تاہیر  
 انت۔۔۔۔۔  
 گُڑا بیابے حاجت ہیں چہ کینوس ، بُرش ءُ رنگاں ۔۔۔۔۔  
 رزا دئیں دستاں کہ وتی پوریاتِ دگہ نیمگے بشوہاز انت۔۔۔۔۔  
 بس ہما اکس تیمارگی انت کہ درشانِ دردئے پر انت۔۔۔۔۔  
 منظور! پہ ایماندار بُوگِ ہینچو بے ایمانی و روا نہ انت ناں ۔۔۔۔۔؟  
 نیٹ میتگِ چراگجہ یے و لوٹ ایت۔

ٹیٹلاں چرتگ گُزنگیں بسمَل رہگُوزی  
 من ہما سر شاہاں منی احوالہ مہ پُرس

(منظور بسمَل کتاب ”پیرزالہ را چے سما انت“ ءِ مَنّت )



ما وهد گسر کپتگیں سرزمینؑ زبانیؑ پسائندگیں، اے  
لبزانکؑ راجدپترؑ شیرکن ترین اسرار بلکےؑ وتی پُتینکؑ گت ؑ  
چرے دنیاؑ لڈگؑ وہدؑ وتی نماسگانی گُشگؑ بیہال بُوت کہ ہمے  
پُتینک گُجا انتؑ-----؟

عطاءؑ شیئرؑ زپت ؑ پُرملاریں موسمؑ رند شیئرؑ ہما  
نوکتِریں تب کہ دیمؑ اتکگؑ، آ اسلؑ ہمے گرنبؑ شوہاز ؑ پرریچگؑ  
سپر انت کہ آئیؑ تھا بلوچ شیئرؑ اسرار مان انتؑ----- راشد  
نوکیں نامےؑ نوک بنداتِ بے کتگ بلئے گوں ہمے کاروانؑ گون انتؑ۔  
پمیشکا آئیؑ وانگؑ وہداں شیرکنیں راز پاداں اڑان بنتؑ-----  
منی گوں راشدؑ سلاہ ایش انت کہ توارؑ بُرز کنگؑ ناں بس رُژنا  
کنگؑ حاجت انتؑ----- پرچا کہ تہاریؑ تھا گواچن اندیم بُوت  
کنت بلئے شہم وتی کترہ یےؑ تھا ہزاراں اسرار ستر کنتؑ آہاں  
رودینیت ؑ پدا گواچن سازایت۔

22/03/2016

(راشدشکستؑ کتابؑ فلیپ )

### ساہگ دزگیراں

لبزانکِ وتی کالب ء کیلو آنت ، وتی رُژن ء تہاری آنت۔۔۔۔  
 چد ء پیش من کہ ہر وھدء ترا ونتگ ہمے گمان بوتگ کہ تو وابء  
 وھدء چراگاں روک کن ئے ء وپس ئے۔ پمشکا باز جاگء ہما ساہگ  
 چیر تر آنت کہ رُژنِ زیب ء زینت آنت۔۔۔۔۔ بلئے ، انوں کہ من ”  
 ساہگ دزگیراں“ ء وانگء آں ہیراناں کہ تو ہینچو رنگ ء رُژنِ تہا  
 ہما د رستیں ساہگ پھریز آتگ ء زبان داتگ آنت کہ بس انسان ء  
 لبزانکِ نیامء زندگی کن آنت۔۔۔۔!  
 ارشاد۔۔۔۔۔ مبارک بہ بیت۔

8 فروری 2011

( ارشاد پروازء کتاب ”ساہگ دزگیراں“ ء منتء )



[illegible]

(حفیظ رؤف، کتاب ”زردیں ہئور“، منّت)



### ساہگ آدینکے

اِزم بنیادمِ ہما جوہرانی درشانِ نامِ انت کہ آئی اندرِ چیر  
 انت۔ ہما گُلیں رنگِ ءِ بو کہ گیدیِ تہا ہست انت، انسانِ تہا آ  
 د رُستانی دُرپش موجود انت۔ پمیشکا انسان گیدیِ رازانی در  
 گیجگِ نیمونِ وتی شوہازِ کِسہِ بندات کنت۔ اِزم بنیادمِ کوہن  
 ترین ہمراہاں یگے، ہمود ا کہ آدینکِ کرد ہلاس بیت اِزمِ کار  
 بندات بیت۔ ءِ کِسہ۔۔۔۔۔ انسان، اِزمِ گیدی سہینانی رازدار انت۔  
 کِسہِ مزنیں پندے بُرِ اتہ۔۔۔۔۔۔۔ بازیں پوشاکے بدل کتہ،  
 بلئے انگہ کِسہ انت۔۔۔۔۔۔۔ علی دوست اے پڑا نوکیں نامے ءِ اے  
 کِسہانی وانگہ رند مردم سرپد بوت کنت کہ آ کِسہ گُشگِ رپکِ  
 زانت۔ علی دوستِ اِزمی سلاہ یک مُجے کہ آئی ہر کِسہِ سرا  
 ساچان انت۔ برے شہمیتِ برے تہارتِ بیت، بلئے گون انت ہر  
 جاہ۔۔۔۔۔۔۔ یک انچیں مُجے کہ باز جاگہءِ گواچنی ندارگاں چیر دنت  
 ءِ لہتے انچیں نکشِ اکس پیشدارایت کہ آ گواچنِ ارواہِ تہا پھیمان  
 انت ءِ چم ئے دیست نہ کن انت۔۔۔۔۔ ءِ ہمے مُج علی دوستِ  
 کِسہی اِزمِ ارواہ انت۔ اگاں علی دوست اے مُجِ کَمیں رُژنا تر  
 بکنت تہ بلوچی کِسہِ بانداتِ بازیں زندگیں کِسہِ یے نصیب بوت  
 کنت۔

( علی دوستِ کتاب ”منی ساہگ آدینکے“، مَنّت )

### مہلبیں کشکے سر گرگ لوٹیت

ساچشت چہ اِزمۂ جتا بوت نہ کنت - ساچشتۂ بالاد مُدام چہ اِزمۂ  
بالادۂ گیشینگ بیت۔ ء اِزمۂ ہاترا تہرینۂ بستار ڈالچار کنگ نہ  
بیت۔۔۔ شہنواز طاہر کہ اولی زندۂ گون من د ُچار کیت تہ آئیۂ  
دیمۂ سرا من ابیدۂ زندۂ دگہ ہچ پیئمیں کشک ء لیکے نہ  
دیست۔۔۔۔۔

پدا کہ شیئرۂے ونت گڑا زندگۂ ہمے توامیں تاب ء ریس کہ  
من آئیۂ دیمۂ سرا دیستگ آنتت۔۔۔، آئیۂ لبز ء لبزانی جوڑشتۂ  
تہاہم گندگ بوت آنت۔ اے کتاب کہ شُمے دیما انت ، اے کتابۂ  
نکان شہنوازۂ ہما سندۂ نبشتہ کتگ آنت کہ اے سندۂ مردم گندگ ء  
اش کنگ ہیل گیت ء ہمے سندۂ ہم شہنوازۂ اِزمۂ حق ادا کنگۂ  
جُہد کتگ۔۔۔۔۔

بلۂ زندۂ آئیۂ را موکل نہ دات کہ وتی تہرینۂ سرجم بہ  
کنت۔۔۔۔۔ پدا ما دیست کہ شہنواز سکین کسانیں سندۂ  
زندگی ، زندگی لئیب کنانۂ چہ زندۂ سیمسرۂ ہما دیم بوت۔

( شہنواز طاہرۂ کتاب مہلبیں کشکے سر گرگ لوٹیتۂ مئتۂ )